



Happy New year 2024



गाहाम हामब्लायनाय

इंराजि गोदान बोसोर 2024 नि गासैबो फरायगिरि, लिरगिरि, खौरंगिरि, अन्सायारि स्टाफ, मावफारिया आरो साफ्रोमबो सुबुंफोरिसिम सानसेयारि बड'सा खौरंगिरि फोलेरिफ्राय गाहाम हामब्लायहरबाय। मिजिथियो गोदान बोसोर 2024 माइथाया हिंसा-हिंसि, दावहा-बिग्रायनाय, नासयनाय-गादबनाय, हेंथा-हेंथि, आंखाल-अलखदनिफ्राय उदां जाथो। गोदान बोसोरय गावजो गाव अन्जलायनाय, फोथायलायनाय आरो बिदा-फंबाय सानज्जलायनाय दौलेंआ आरोबाव गोखोसिन जाथो बेखोनी मिजि थिबवाय।

सानसेयारि बड'सा  
माइबां नोगोर  
जोहोलाव देमालु लामा, कक्राझार

BODOSA ★ A Bodo News Daily ★ Monday ★ 1 January, 2024 Kokrajhar, BTC, Assam ★ Vol.- 33, Issue No. 276 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs./-

## इंराजी गोदान बोसोरनि मुडै गिबि मन्थि ड॰ शर्माआ आसामआरिनिसिम गाहाम हामब्लायथि जासिहरदों

दिसपुर, 31 डिसेम्बर: इंराजि गोदान बोसोरनि मुडै गिबि मन्थि ड॰ हिमन्त बिश्व शर्माआ आसामआरि राइजो-राजाफोरिनिसिम गाहाम हामब्लायथि जासिहरो। दिनें गांसे रादाब बिबुंसारनि गेजेरजों ड॰ शर्माआ बुडोदि, गोदान मिजिं आरो फोथायथिजों दावगालांनो थाखाय गोदान बोसोर बयनिबो गोसोयाव गोदान सानसिं आरो थुलुंगा लाबोयो। रंगिना-संगिना आरिसु-हारिसु, जारिमिनजों बुंफबनाय गुबुन गुबुन हारि-माहारि, रावआरि, धोरामआरि सुबुंफोरनि जथाय जायगा आसामनि गावगोनं जिउ दाहाराव गोदान बोसोरनि गोदान सोराड खौसेथिनि दौलेंजों मोनसे गोदान नाजानाय लाबोगोन होन्नाने गिबि मन्थिआ बुडो। गोदान बोसोर बेसेन गोसा हरिसुवारि आरो आसार-खांथिजों गोग्गाथाव राइज्योयाव रांखांथि-समाजयारि (□ 5 बिलाइआव)



## आसामनि लाइमोनफोरा हादत दाफुंनायाव गोख्रों बिफाव लागासिनो दडः राजनाथ सिं

गुवाहाटी, 31 डिसेम्बर: मिरुनि रैखाथि बिफाननि मन्थि राजनाथ सिंआ दिनें तेजपुर मुलुगसोलोंसालिनि 21थि कनभकेसन नुजाथि फैनानै आसामनि दानाय-लुनाय, गानाय-जोमनाय धोराम, लाइमोनफोरनि गोहो आरो राजखांथि बायदि बिथिडव गोख्रोडे बिफाव लानायखौ मिरुनि मन्थि राजनाथ सिंआ साबायखर बावदों। बिथाड कनभकेसन बिबुंथि लाखिनानै बुंबावदोंदि, फोरेंगिरिफोरिनफ्राय फरायसाफोरा समाजयारि-राजखांथि आरो हादत जोगाखां होनायाव लाइमोनफोरा गोख्रों लाबोगासिनो दडः। मख'नो गोनांदि, दिनें 21थि कनभके सनआव तेजपुर मुलुग सोलोंथाइनिफ्राय गासै सा 1,355 ग्रेजुयेट फरायसाफोरखौ मान बाउनाय जायो। बिसोरनि मादाव सा 785 फोरा फस्ट ग्रेजुयेट, 432 आन्डर



ग्रेजुयेट आरो गुबुन गुबुन थाखोनि। बिसोरनि मादावनो सा 5 फरायसाफोरनो फस्ट ग्रेजुयेट डिफ्ल'मानि बान्था होनाय जायो। बिसोरनि अनगायैबो सा 100 नि बांसिन रिसार्च खालामग्राफोरखौ फिएइसडि, डिग्री गथायनाय जायो। मख'नो गोनांदि, फालियामेन्टनि आइन बायदियै 1994 माइथायाव तेजपुर मुलुग सोलोंसालिखौ गायसनाय जादोंमोन। बे मुलुग सोलोंसालिया गोखोसिन सोलोंथाइ लानायनि बयनिखुइबो साबसिन मिरु जागासिनो दड'होन्नाने मिरुनि रैखाथि बिफाननि मन्थि राजनाथ सिंआ दिनें 21थि तेजपुर मुलुग सोलोंसालिनि कनभकेसनआव बाहागो लानानै बेफोर बाश्राखौ बुंथियो। बिथाड लोगोसेयेनो बुंबावोदि, राम जन्म भुमिआ राजखांथियारि माब्लाबाबो जानो हाया होन्नाने रोखायै फोरमायथियो।□

## बाक्सानि कालपानीनि बिस लौनाय सा 3 फरायसुलिफोरा जिउ गोमाबाय

सालबारि, 31 डिसेम्बर: बाक्सा जिल्लानि सालबारि महकुमानि बेंखनाव थानाय गवर्धनानि कालपानीनि 7थि थाखोआव फरायनाय सा 3 फरायसुलिफोरा बिस लौनाय गोब्राव थासारिजों बुगिनांदोंमोन। नाथाय फाहामथाय होसेयावबो दिनें अबथिरायै सानै (□ 5 बिलाइआव)

## कक्राझार पुलिसआ गैरेमसा नाजरी बुथारनाय जाथायनि दायनिगिरिखौ हमबाय

कक्राझार, 31 डिसेम्बर: कक्राझार सहरनि खांथियाव थानाय मागुस्मारि साहा बागानाव मैया गसाइगाव आइटीआइनि फरायसा गैरेमसा नाजरीनि गोथे सहखौ बोखानायनि 24 घन्तानि गेजेरवनो कक्राझार पुलिसआ बुथारनाय जाथायनि गाहाइ दायनिगिरिजों लोगोसे गुबुन सानै लोगोखौ हमनो हायो। बेनि सोमोन्दै पुलिस बिबानगिरि



पृथ्विराज राजख'वाआ फोरमायनाय बादिब्ला गैरेमसा नाजरी बुथारनाय जाथायनि गाहाइ दायनिगिरि पृथ्विराज नाजरी (19)जों लोगोसे गुबुन सानै लोगोफोरखौ हमनो हायोब्लाबो सानै लोगोफोर उन्दै बैसोनि थाखाय जुबिनाइल बिजिरगिरि बड'आव हाजिर खालामनाय जायो। गुबुन (□ 5 बिलाइआव)

## तामुलपुर फरायसालिमानि सरकारि जानाय गिबि मन्थि ड॰ हिमन्त बिश्व शर्मा आरो बिटिआरनि गाहाइ प्रमद बर'खौ साबायखर बाउहरदों

तामुलपुर, 31 डिसेम्बर: गोदान बोसोर 2024 आ सानसेल' आइ। थानायनि सिगाडाव तामुलपुर फरायसालिमायाव रंजाथायनि थासारि सोमजिदों। मख'नो गोनांदि, माखासे बोसोरनाइ नेनायनि उनाव तामुलपुर फरायसालिमाआ सरकारि खालामनो फोसावजाबाय।



1984 माइथायावनो गायसनजानाय बे फरायसालिमाया माखासे बोसोरनाइ जेना-जेंसि आरो बाउसोमनायजों मोगा-मोगि जानानै नारा-नाथादयै सुबुं धोन सोरजिनो नाजाबोदोंमोन। बावैसो दान सिगां गोदानै दाजानाय राइज्यो तामुलपुर (□ 5 बिलाइआव)

बिटिआर रादायनि 6.3 फारिलाइनि दफा बायदियै सरकारि खालामनाय जायो तामुलपुर फरायसालिमाखौ।

## बि टि आरनि गं 15 सिनियर सेकेण्डरि फरायसालिखौ सरकारि खालामनो दाबि दैखांदों

कक्राझार, 31 डिसेम्बर: बिटिआर ओन्सोलनि गं 10 डिग्री फरायसालिमाफोरखौ बावैसो सान सिगां सरकारि खालामनाय आरो सा 259 फोरेंगिरि-मावसुमाफोरनि मासिखौ सरकारि खालामनानै फोसावना होनायनि उनाव बिटिआरआव रंजाथायनि दोहौ सोमजिदोंदोंब्लाबो बेखौ लानानै दुखुमोन्नाय फोरमायदों। मख'नो गोनांदि, बिटिआरआव



गं 15 सिनियर सेकेण्डरि फरायसालिफोर दड'आरो बे फरायसालिफोर थानाय 25-

## आलफा (आइ)नि कामान्डार इन-सिफ परेश बरुवाआ गोजोन सावरायनो सिगांबोनांगौ: बिस्वजित दैमारी

दिसपुर, 31 डिसेम्बर: आसाम बिधान सभानि बुंथिगिरि बिस्वजित दैमारीआ आलफा (आइ)नि कामान्डार इन-सिफ परेश बरुवाखौ गोजोन सावरायनायाव बाहागो लानो थाखाय खवलायहरदों। मख'नो गोनांदि, बुंथिगिरि बिस्वजित दैमारीआ दिनें खौरंगिरि मेलाव गोजोन सावरायनायनि थाखाय सरकार जेब्लायबो थियारि, आथिखालाव माखासे लाइमोनफोरा आलफा (आइ)व हाबडैगासिनो दड' आरो बैसोर लाइमोनफोरा समाजनि जानगराव थानानायजों लोगोसे माखासे गोब्राव थासारिजों मोगा-मोगि जानांगोसिनो दड'। बेनिखायनो आलफा



(आइ)नि दैदेनगिरि परेश बरुवाआ दगोजोन सावरायनायाव बाहागो लानांगौ आरो गासैबो सुबुंनि गाहाम आरो मोजां थासारि लाबोनायनि थांखि लानाया गाहाम होन्नाने बुंथिगिरि बिस्वजित दैमारीआ खौरंगिरि मेलाव फोरमायो। बिथाड बुडोदि, बावैसो सान सिगां आलफा-प्र टक हान्जाया मिरु सरकारजों माखासे आयदाफोरनि सायाव सावरायनानै माखासे गोनांथार आयदानि सायाव सुखानाय लाबोदों आरो बेफोर आयदा एबा दफाफोरा मावफुंजायोब्ला, आसामआ गोखौं खारथायजों दावगालांगोन। (□ 5 बिलाइआव)

## इंराजी गोदान बोसोर 2024 माइथाया साफ्रोमनिबो गेजेराव खौसेथि आरो जौगाथाय लाबोथो: तरन बर'



कक्राझार, 31 डिसेम्बर: इंराजी गोदान बोसोर 2024 आ जगायजेनो सानसेल' सम दसै। सानफा-एफा इंराजी 2023 माइथाया दिनें 31 डिसेम्बर, रबिबासखालि जौबथा सानआव आगान होबाय। बोसोरआव हादतआ गोबां जाथाय-खामानिफोरजों मोगा-मोगि (□ 5 बिलाइआव)

## बोसोरनि जौबथा सानाव एमएलए रुपज्यति कुर्मिआ मानास माहारियारि हाग्रामायाव दावबायफैदों

सालबारि, 31 डिसेम्बर: मुलुगदांखा जारिमिनारि मानास माहारियारि हाग्रामायाव दिनें नख'रजों लोगोसे मरियनि बियाबनि एमएलए रुपज्यति कुर्मिआ दावबायहैयो। माहारियारि हाग्रामानि बासबारि हाग्रा ओन्सोलाव दावबायफैनानै एमएलए रुपज्यति कुर्मिआ खौरां बिजोंनि सिगाडाव बुडोदि, गिबि मन्थिआ बिफा- (□ 5 बिलाइआव)



## भवानिपुरआव गपाल आतानि थुनलाइ हाबाफारिया मेहेरगोनाडै जौबलांबाय

भवानिपुर, 31 डिसेम्बर: भवानिपुरनि गोखौं सारिनि साहित्य आरो हरिसु थुनलाइ आफाद गपाल आता साहित्य हरिसु आफादनि बान्जायनायाव भवानिपुर आइबि बांलानि लांगोनायाव थानाय मोनायाव मोनसे गोजां बोथोरनि मोनसे जारिमिनारि सावरायनाय, खन्थाइ आरो देंखोनि हाबाफारि खुंनाय (□ 5 बिलाइआव)



## माजरसुबा भिसिडिसिनि बालिपाराआव एमजिएनरेगानि गामियारि लामा बेखेवदों

कलाइगाव, 31 डिसेम्बर: प्रमद बर' दैदेनाय जुथाय हान्जानि सरकारनि गुबुन गुबुन बिथांखि मावफुंनाया गोखेयै सोलिगासिनो। दिनें 36 नं हरिसिड बिटिसि बियाबनि माजरसुबा भिसिडिसिनि सिडव थानाय बालिपाराआव एमजिएनरेगानि सिडव दोंसे लामाखौ बेखेवनाय जायो। मख'नो गोनांदि, 19 बोसोर हाग्रामा महिलारोनि बिपिफ सरकारनि समाव मोजोमसे हा गोग्लैयै बालिपाराआव लामाखौ बेखेवनाय होयो माजरसुबा भिसिडिसिनि इउपिपिएलनि लेडाइ आफादगिरि इन्द्र कुमार दासआ। लोगोसे बे हाबाफारिखौ दैदेनो इउपिपिएलनि माजरसुबा गुदि आफादनि नेहाथारि कमल बर'आ।□

## बैसागु सनाथि माइथाय फोर्बो खुंनो लाहार-फाहार खालामदों

बासुगाव, 31 डिसेम्बर: फैगो 2024 माइथायनि 14, 15 आरो 16 एप्रिलआव सानथामनि हाबाफारिजों रंजालि बैसागु फोर्बो सनाथि माइथाय खुंनो थाखाय चिरां जिल्लानि बेंखनाव थानाय बासुगाव सहरनि खांथियाव थानाय खरागारि माइनाव क्लाबनि बान्जायनायाव माइनाव गेलेग्रा फोथाराव खुंनो लाहार-फाहार खालामनाया सोलिगासिनो। बेनि लोब्लाये बर' आरो अ,मी रावनि मोनसे बिसम्बि लाइसि दिहुनो थांखि (□ 5 बिलाइआव)

अब्लानो छभ'लिन-नि गुरे रुबु क्रीमा गोथौसिम बिगुरनो पुस्टि जगायो आरो बिगुरा जिउ मोनफिन्नाने स्लिम जायो।

बेखायनो छभ'लिन क्रीम हरफ्रोमबो

## सुजुगिरिनि खोलोम

## गोदान बोसोरनि सान्नाय आरो मिजिंथि

बोसोरसे गोलाव सम नेनानै थानायनि उनाव हास्थायनाय आरो मिजिंथिजों बुंफबनाय इंगिज गोदान बोसोरआ जॉनि गेजेराव सौंफैबाय। गोदान बोसोर गोदान गोदान थांखि आरो मिजिंजों सिगांफासे आवगायलानायनि सुबुंफोरनो थुलुंगाखां होफैयो। बे थुलुंगाखां सिगांफाव लानानैनु सुबुंफोर गोदान बोसोरनि समाव गावसोरनि थांखि होसोनायाव नांथाबनो बोलो मोनो। साफ्रोमबो मानसियानो मोनफा नडा मोनफा मिजिं आरो सान्नायखौ मावफुंनयनि गोदान बोसोराव थांखि लायो। गोसोनि सान्नाय, मिजिंथि आरो थांखिखौ मावफुंनो गोदान बोसोर जागायजेन्नाय समाव समाइखिरा लायो। गोदान बोसोराव सुबुंफोर इयुन थांखिखौ लानानैल 'नांथाबनानै थाया, रंजा-बाजा खालामनानै गोसोनि गोजोनायबो लायो। गुबैयै जॉनि लाइमोनफोरनि गेजेराव गोदान बोसोरनि रंजानाय-बाजानायखौ नुनो मोन्नाय जायो। मबाइल आरो समाजयारि बिजों फेनायनि सिगां जॉनि गेजेराव पस्ट अफिस एबा लाइजाम ख'नि गेजेरजों रं-बेरनि ग्रीटिस कार्ड हरलायनानै गोसोनि खोथाखौ फोरमायहरलाइनाय जायोमोन गोदान बोसोरखौ बरायनानै। आधिखाल ग्रीटिस कार्डखौ गोनांथि होनाय एबा बाहायनायखौ नुनो मोनबालिया। बेनि सोलायै मबाइल फननि हेफाजाबै समाजयारि बिजोंनि गेजेरजों गोदान बोसोरनि हामब्लायहरलायनाय दान्दिसेनि गेजेरावने मेसेज हरनो हानाय जाबाय। थेवब्लाबो गोदान बोसोरनि रंजानाय, हामब्लायथि हरलायनाय बादिया सिगांफाव जैमोन आधिखावनि समावबो बेबादियैनु सोलिनयखौ नुनो मोन्नाय जायो। नाथाय सिगां समफोराव आधिखालनि बादि निसा मुवा लॉनानै दावरव-दावसि खालामनाय, गारि-बाइक सालाइखावनाय, गोखोडै साउन्ड बक्स दामनानै खांथि-खालानि सुबुं आरो नख 'रफोरखौ जेनायाव खोखलैनाय बादि थासारिखौ नुनो मोन्नाय जायामोन। आधिखाल सोलायनायनि दोहौजों लोगोसे सुबुंफोराबो गोरोबलांफानो हमनायाव फारफोम बिथिंनि रंजानाय-बाजानायफोरवबो सालायनायखौ नुनो मोन्नाय जाबाय।

गोदान बोसोर 2024 आव बयनिबो थांखि, सान्नाय-हनाय आरो मिजिं लानायफोर जाफुंगोन, बे सान्नायखौ साफ्रोमबो सुबुंफोरनो गोथौयै फोथायो, बेखायनो गोदान बोसोरखौ बरायनानै रंजायो गोसो खुसियै। गोदान बोसोर बयनिबो गोसोयाव होफैयो थुलुंगानाय, मिजिंथि आरो सिगां फासे आवगायलानायनि। बेखायनो सुबुंफोरा गोदान बोसोरनि समखौ नेनानैसो गावबा गावनि इयुन थांखिखौ जाफुं होनायनि समाइखिरा लानायखौ जों नुनो मोन्नाय जायो। गोदान बोसोर बयनिबो जिउआव जाफुंसारनाय लाबोथों, सुबुं माहारिनि गेजेराव अनलायनायखौ बांहोथों, दाडाबाजि, दावहा-बिप्रायनाया जोबसांथों, बुहुमाव गोजोन फेथों।

## दिनैनि फान्जामुथि

## राशि बाइदियै मुनि गिबि हांखो

मेघ : अ ल बुध : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

मेघ: रोगथि जानो हानायनि मान बाउजानो मोनगोन। माबाफोर बान्थाबो मोनो हागौ। मोजां सान।

बृष: फालागिरि मावग्रानि थाखाय गहाम सान। रंखावरि मुलाम्फा मोनो हागौ।

मिथुन: रावजोंबो जेना गैयै शान्तियै थानो हागोन। फारफोमथिबो मोजां। गोजोनै सम बारहोनो हागोन।

कर्कट: नख 'रनि रं खर'सा खालामनांगौआ बांगोन। सोरबाफोर आलासि फेनो हागौ।

सिंह: गोबावनिफ्राय माबाफोर नाजानाय दड'बा जाफुंसारनो हागौ। गोसोखौ शान्ति मोनगोन। मोजां सान।

कन्या: जेखि जाया बेराम-आजारआव गोसोलायनो हागौ। देहाखौ सांग्रां लाखि।

तुला: खामानि मावनाय-दानायाव जोबर बानाय मोनो हागौ। सावसिखौ सांग्रां लाखि।

बृश्चिक: रावनिबो बोसोन लायै अहंखार गोसोनि जाफलानो हागौ। गोसोखौ हमथा।

धनु: मानिबा थाखाय जिगा सिनांनो हागौ। गोजोन्नाय गैयैजों सम बारहोनांगोन।

मकर: जेबो जेना गैयै सुखुयै थानो हागोन। नख 'र संसार शान्ति जागोन।

कुम्भ: देहा-सावसिआव गोहो-बोलो मोनो हागोन। गोसोखौ गोजोन मोनगोन।

मीन: बहाबाफोर दावबायहैनो मोनो हागौ। गोजोन्नायखौ मोनो हागोन। मोजां सम।

## आसाम सरकारआ 1 जानुवारिआव गुवाहाटीआव गं 200 ग्रीन बासफोरखौ बेखेवना होगोन


गुवाहाटी, 31 डिसेम्बर: आसाम सरकारआ 1 जानुवारि, 2024 मायथाइयाव गुवाहाटीयाव मोनसे गोनांथार हाबाफारि जागायनो थियारि जादों, जाय गोजोर रोगाथायाव मोनसे गोदान आयदाखौ दिन्थिगोन। गिबि मन्थि ड हिमन्त बिश्व शर्मानि दैदेन्यायव बे गं 200 ग्रीन बासफोरखौ बेखेवनाय जागोन, जाय मोनसे मिरु मन्थि नितिन गाडकारिनि हादरनाडैमोब्लिबारि मटर-गारि

(इ.भि.) फोरखौ जौगाहोनायनि नोजोरजों गोरुबो। बे आबहावा-लोगोआरि बासफोरा सिगांनिफ्रायनो गुवाहाटीयाव सौंफैखाबाय आरो आधिखालाव रुपनगराव दं, राइज्यो राजानि सिगांफाव गावसोरनि मावख'आरि सिनायथिखौ नेगासिनो दं। बे जाहाजआ गं 15 इ.भि. बासफोरनि थाखायनाय लाइनअपखौ गोखों खालामगोन जाय सिगांनिफ्रायनो

सोलिगासिनो दं, जाय गावनि कार्बन फुटप्रिन्टखौ बाइय खालामनो आरो गोगो गोहोनि गुबुन राहाफोरखौ आजावनो थाखाय आसामनि रादाइखौ दिन्थिगोन। बे सोमखोर सोलायनायखौ हेफाजाब होनो थाखाय, रुपनगराव मोनसे इ.भि. चार्ज स्टेशन गायसन्नाय जादों, जाय बेखौ रोखा खालामोदि, बे मोब्लिबारि बासफोरखौ मोजाडै सालायनो थाखाय बिथायारि सानज'थाय दं।

## राम मन्दिर आरो लकसभा बिसायख'थिखौ लानानै कंग्रेसआ बिजेपिखौ थांखिदों

चित्रदुर्ग, 31 डिसेम्बर: राम मन्दिरखौ लानानै कंग्रेसनि दैदेनगिरि आरो कर्नाटकनि मन्थि दसरतैया सुदाकरआ मिरु सरकारनि सायाव थांखिदों। बिथाडा मिरु सरकारखौ सौंखारिनानै बुंदोंदि, थांनाय बोसोरनि लकसभा बिसायख'थियाव बिजेपिया राजखान्थियारि मुलाम्फानि थाखाय पुलवामानि उतरखारि गाग्लोबनायनि मुलाम्फा लादोंमोन। आधिखालाव अयध्याआव भगवान राम मन्दिरनि बेखेवनायखौ लानानै बेबायदिनो सोलो-खान्थि आजावदों। बिजेपि सरकार थांनाय लकसभा बिसायख'थियाव भट मोनो थाखाय पुलवामानि उतरखारि गाग्लोबनाय जाथायखौ मोजाडैनु बाहायदों आरो जानो गोनां लकसभा बिसायख'थि 2024 आव बिसोरु भगवान रामखौ बाहायनो आखायाव लादों। चित्रदुर्गआव मिडियाजों बाश्रा सावरायनायाव सुदाकरआ



बुंवावोदि, अयध्यान राम मन्दिर बेखेवनाया मोनसे स्टान्द। सुबुंफोर एसेबां आदुवा नडा, जोंखौ खेबनै आदुवा खालामबाय। बेनिफ्राय मोनसे गोखों फोथायनाय फेदोंदि, थामथि खेब बिजेपिया जोंखौ आदुवा खालामनो हानाय नडा। बे बाश्रायाबो सैथोदि, राम मन्दिरखौ बेखेवनाया लकसभा बिसायख'थिनि आंगो हायाव जादों। एमएलए रघुमुर्ति आरो आंगो राम मन्दिरनि थाखाय दान होनायाव बिहोमा होदों। सिगांफावबो जोडो मन्दिर लुनायनि थाखाय इताफोरखौ जगायना दान होदों होन्नाबो बिथाडा बुडो। कंग्रेसनि दैदेनगिरि सुदाकरआ

बुंवावोदि, भगवान रामआ बयनिबो थाखाय भगवान एबा इशोर आरो बिसोरु मन्दिरनि बेखेवनाया बिसायख'थिनि खाथियाव जानायनि थाखाय मोनसे खालामफ्लानाय होन्ना बुंदों। बिजेपिया भट मोनो थाखाय भारतनि धोरोमारि फोथायनायखौबो गावसोरनि मुलाम्फानि थाखाय बाहायदों। सिगांनि बिसायख'थियाव राम मन्दिरआ बबाव दडमोन होन्ना बिथाडा सौंथि खालामना बुंवावोदि, थांनाय बिसायख'थियाव पुलवामा गाग्लोबनायनि आयदाखौ गोसो जानानै लाबोदों। बे समाव राम मन्दिरनि आयदाया दैखांजायखौमोन।

## मणिपुराव हाथियार दैग्रा दुथांफोरनि गाग्लोबनायाव सासे पुलिस कामान्ड जोखोम जादों

चुड़ाचन्दपुर, 31 डिसेम्बर: मणिपुरनि मरेहआव शनिबार सानजौफुनि 3:50 रिगायाव सिनाय मोनै हाथियार लानाय सुबुंफोर आरो पुलिस कामान्डनि गेजेराव गोखों गुलि गावज्जलायो, जेराव सासे कामान्डआ जोखोम जायो। खौरं मोन्नाय बायदिक्ला पुलिस कामान्डफोरनि गारिया मरेहनिफ्राय कि-लकेशन पइन्ट (केएलपि) फारसे थांबाय थानाय समावनो हाथियार दैग्राफोर गाग्लोबो। सासे पुलिस

बिबानगिरिया मिबथिहोदोंदि, इम्पल-मरेह लामायाव एम चाहनौ गामिनि साखाथियाव हाथियार दैग्रा दुथांफोरनि गाग्लोबनायाव सासे कामान्ड जोखोम जादों। जोखोम जानाय कामान्डखौ 5 आइआरबिनि पंखालु होन्ना सिनायथिनो मोनो हादों आरो बिखौ 5 आसाम राइफलस केम्पआव फाहामथाइ होनाय जादों। पुलिसनि रोखा मिबथिहोनाय बायदिक्ला तैनांपाल जिल्लानि

मरेह वार्ड नं 9 नि चिकिम वेंगआव सिनायमोनै सिलाइ लानायफोरा मरेहनि कामान्ड टीमनि सायाव गाग्लोबो आरो बमाखौ गारदरेदों। जेब्ला मणिपुर कामान्डआ बै ओन्सोलाव नेम-खान्थि बायदियै पेट्रॉल होनाय समावनो दुथांफोरनि हान्जाया गिबियावनो बमा गारहरो। बेनि उनाव 350 निफ्राय 400 राउन्ड गुलि गावहरो। सुलुंआ मरेहआव गंनै न'आव अर सावना होदों होन्नाबो मिबथिहोदों।

## आइआइटि बिएइचइउनि फरायसुलिखौ जिनाहारि खालामनाय दायनिगिरिखौ हमनो हाबाय



भाराणसी, 31 डिसेम्बर: आइआइटि बिएइचइउनि फरायसुलिखौ हान्जायै जिनाहारि खालामनाय सा 3 दायनिगिरिफोरखौ पुलिसआ हमनो मोनबाय। मख'जाथावदि, मुगैथाव बै जाथाय जानायनि 60 सान उनाव साथामबो दायनिगिरिखौ पुलिसआ हमनो हायो। फरायसुलिनि सायाव अनागारि खालामनाय दायनिगिरि ब्रिज एनक्लेभ कलनी सुन्दरपुरनि

कुनाल पान्डे आरो जिबदिपुर बजारदिहानि आनान्द एबा अभिषेक चौहानजों लोगोसे सक्षम पाटेलखौबो हमनो हायो। पुलिसआ बै जाथायाव बाहायनाय मथर साइकेलखौबो बोखांनो हाबाय। थांनाय 1 नभेम्बरनि हरव 1:30 रिगायाव फरायसुलिया गावनि हस्टेलनिफ्राय बेरयदिनो थाखाय ओंखारदोंमोन। हस्टेलनि बाउन्डरी खाथियाव गान्धी स्मृति हस्टेलनि लामायावनो

बियो गावनि लोगोखौ लोगो मोनदोंमोन। बिसोर सानैया कर्मन बिरबाबा मन्दिरनि साखाथियाव दडमोन। बे समावनो बुलेटजों फेनाय साथाम हौवा सुबुंफोरा साखाथियाव गारिखौ लाखिना बिसोरखौ थाथ'नो थिनो आरो फरायसुलिनि लोगोजों बुलाय-सोलाय खालामो। बेनिफ्राय गावसोरनि लोगोआव लाना फेखानाय सिलायखौ दिन्थिनानै फरायसुलिखौ गान्नाय ट्रेस खुहोनानै भिडिअ बानायदोंमोन। बे जाथायनि उनाव दायनिगिरिखौ हमनांगीनि दाबि दैखानानै आरो रैखाथिखौ नोजोर होनानै बिएइचइउनि फरायसालिफोर 10 सानसिम गोखों सोमावसारदोंमोन। पुलिसनि नाजानायाव 60 साननि उनाव साथामबो दायनिगिरिखौ हमनो मोनो।

## इभिएमजों भट होनायखौ लाना कंग्रेसनि दैदेनगिरि दिगभिजय सिंहआ जिगा फोरमायदों

गोदान दिल्ली, 31 डिसेम्बर: कंग्रेसनि गागि दैदेनगिरि आरो मध्य प्रदेशनि बारा' गिबि मन्थि दिगभिजय सिंहआ रबिबाराखालि इलेक्ट्रिक भटि मेशिन (इभिएम) बाहायनायखौ लाना जिगा फोरमायदों। बिसायख'थि आयगनि सायाव बेले-बेजे खालामनाय आरो गोसो बायदि हाबाफारिखौ सोलिहोनायाव बेरेखा दोलोफोरखौ नायसनेनि बिथाड दाय जाबसिन्दों। कंग्रेसनि राइज्यो सभा एमपिआ बुंवावदोंदि, बेरेखा दोलोनि जुथाइ हान्जा इन्डियाआ बिसायख'थि आयगनि गोजौसिन बिबानगिरिफोरजों लोगो हमनो थाखाय सम बिदों। सशेल मिडिया प्लेटफर्म एक्सआव बेखौ लानानै बारा' गिबि मन्थि सिंहआ मोनसे पस्ट शेयार खालामदों। पस्टआव बिथाड बुंदोंदि, इन्डिया जुथाइ हान्जानि राजखान्थि दोलोआ @ECISVEEP बिसायख'थि आयगनियाव आगस्टनिफ्रायनो लोगो हमनो थाखाय सम बिबोदों। नाथाय बिसोरु एसेबां मुखुब जानानै दड बिसोरुहा बेरेखा दोलोजों लोगो हमनायनि सम गैया। बे आयदायाव मान गोनां



सिजेआइआ माबा थांखि लादों नामा? इसिआइआ जेब्लायबो बुंदोंमोनदि, सुप्रिम कर्टआ इभिएमनि सायाव गावनि थांखिखौ खोनासहोबाय। मानगोनां सिजेआइ बिथानि बुंनायाव @ECISVEEP आ गनायथि मोनो हानाय राजखान्थि दोलोफोरनिफ्राय इभिएमनि आयदायाव गावसोरनि सौंथिनि फिन्नायखौबो बिनाय नडा नामा? बेयो बबेनि बिजिनय? होन्नाबो बिथाडा सौंथि खालामदों। बे समावनो रबिबार खालि सुप्रिम कर्टनि गागि आरो आम आदमी पार्टीनि दैदेनगिरि प्रशान्त भुषनआ इभिएमनि गेजेरजों बिसायख'थि खुंनयनि सायाव जिगा सिनाय फोरमायदों। भुषनआ गावनि मावख'आरि एक्स हेन्डेलआव मोनसे पस्ट खालामदों, जेराव बुंदोंदि, मिसिगान

इडनिभासिस्टिनि प्रफेसारआ माबोरै भारतीय इभिएमआव गोरलैयैनु बेले-बेले खालामनो हागौ होन्ना बुंदों? बेफोरु रैखाथि गोनां नडा, जॉनि सुबुं-खान्थिनि थाखाय बेयो मोनसे गिदिर खौफोद। बांसिन हादतफोरानो इभिएम बाहायनायखौ बन्द' खालामबाय। बिसायख'थि आयगआ मानो बे बायदि खालामदों? बेयाव हार्डवेयर/ सफ्टवेर दिन्थिनो थाखाय थियारि नडा नामा? मख'जाथावदि, डिसेम्बर दाननि जागायजेन्नायाव इन्डिया जुथाइ हान्जानि राजखान्थि दोलोफोरा माहारिनि राजथावनि दिल्लीयाव ब्रैथि गिदिर जथुमा खालामना मोनसे बिथांखि पास खालामदों, जेराव बुंनाय जादोंदि, इभिएमनि प्रग्रामनि सायाव गावसोरहा सन्देह' दड।

## मेघालय हाबफेनाय बेरेखा हान्जाफोरा रेलवेनि सिगांफाव आइ.एल.पि. दाबि खालामदों

शिलॉ, 31 डिसेम्बर: मेघालयआव हाबफेनाय बेरेखा हान्जाफोरा खासी आरो जयन्तिया हिल्स ओन्सोलाव रेलवे लाबोनो थाखाय इनर लाइन पारमिट (आइएलपी) खौ मावफुंनो दाबि खालामनानै जयन्तिया उदांशि सोमावसारगिरि यु कियानांगबाहनि 161थि थैनाय सानखौ फालिदों। खासी फरायसा आफाद (केएसइउ) नि गाहाय लेम्ब 'कस्टारवेल मारंगार

साखि गैजायै, सावसि जोथोन आरो गामियारि जौगाथाय बायदि गोनांथार आयदाफोराव रेलवेखौ गोनांथि होनायनि थाखाय राइज्यो सरकार आरो राजखान्थियारि दोलोफोरखौ सौंखारिदोंमोन। बिथाड रेलवेनि बेरेखायै केएइउनि गसंथानायखौ फिन खेबसे बुंफिन्दोंमोन जेब्लासिम आइ.एल.पि. बायदि गोहोम गोनां हाबफेनाय बेरेखा आदबफोर थाया। बे आबेगखौ गोरोबहोनानै जयन्तिया फरायसा

आफाद (जेएसइउ)नि गाहाय नेहाथारि ट्रेबर सुचेनआ सान्जा जयन्तिया हिल्सआव खेवेनि रैखायै गोखोडै हेंथा फोसावो। बिथाड गोखोडैकुंमोनदि, आइ.एल.पि.आ गोरोबलायजायै आरो बेखौ मावफुंनया जायखि जाया जौगालु मावथांफेरेनि सायाव साननायनि सिगां होबथाजायै हाबफेनायखौ सामलायनायनि राहा। केएसइउ आरो जेएसइउ मोनैबो एंगा खालामनो गोसो जानायखौ फोरमायदोंमोन।

## आसामनि उनाव नागालेण्डआव गोजोन-सांथि फेनो हासिगौ

गोदान दिल्ली, 31 डिसेम्बर: मोन 3 नागा हान्जाया शनिबारखालि खौसे जादों आरो गोबाव बोसोरनि गोजाम नागा राजखान्थियारि आयदाखौ सुखानो थाखाय मिरुजों लोगोसे जुथाइ महेरै बाश्रा सावरायनो थांखि लादों। बे थांखिखौ मोनसे जथुमानि समाव लानाय जादों, जेराव मोन 3 हान्जाफोर अकाट' चफिनि दैदेन्याय नेशनेल सशलिस्ट काउन्सिल अफ नागालेण्ड (एनएसएसएन), खंग'नि दैदेन्याय एनएसएसिएन आरो जेड रमियनि दैदेन्याय नागा नेशनेल काउन्सिल (एनएससि) नि दैदेनगिरिफोर बाहागो लादों। बे मोन 3 बो बोखावजानाय हान्जा। गुबुन मोननै हान्जाफोरनि दैदेनगिरिफोरनि नुजाथिनायाव वेवहाय जथुमानि उनाव खौरंगिरिफोरजों सोमोन्दो लाखिनानै अकाट'आ बुंदों, मोन 3 हान्जाया 2024 आव मोनसे जुथाइ राजखान्थियारि नाजानो थाखाय खौसेयै फेदों। जेब्ला बाश्रा सावरायनो थांखि

लानायनि सायाव गिबियावनो मिरुजों सोमोन्दो लाखिखांबाय ना मा होन्ना सौंथि सोडो अब्ला बियो बुडो, गावसोर सिगांफावनो गावसोर नागा आयदायाव खौसेयै नाजगोन। अकाट'आ बेखौबो रोखा खालामदोंदि, (डब्लिउसि-एनएनपिजि) नि मावसुमा समितिनि गेजेरजों आलादा बाश्रा सावरायगोन। बियो बुंदों, एनएनपिजिया गासै सा 7 हान्जाजौल' बानायनाय, जेराव गुबुन नागा हान्जाफोरखौ सरजाबनाय जादों। बियो फोसावदोंदि, मोन 3 बो हान्जाया नागा फोलेरनि हितनि थाखाय समान आइडियल 'जिनि हान्जाफोरखौ सरजाबनो खावलायदों। मख'नो गोनांदि, मोनसे बेबायदिनो रादाय खानाया आसामआवबो जादों। इनाइटेड लिबोरेशन फ्रन्ट अफ आसाम (उल्फा) नि सावरायलायनायाव हेफाजाब होग्रा गुटआ मिरुजों लोगोसे गोजोन खौसेयै फेदों। जेब्ला बाश्रा सावरायनो थांखि

सावरायनो थांखि लादों। बे थांखिखौ मोनसे जथुमानि समाव लानाय जादों, जेराव मोन 3 हान्जाफोर अकाट' चफिनि दैदेन्याय नेशनेल सशलिस्ट काउन्सिल अफ नागालेण्ड (एनएसएसिएन), खंग'नि दैदेन्याय एनएसएसिएन आरो जेड रमियनि दैदेन्याय नागा नेशनेल काउन्सिल (एनएससि) नि दैदेनगिरिफोर बाहागो लादों। बे मोन 3 बो बोखावजानाय हान्जा। गुबुन मोननै हान्जाफोरनि दैदेनगिरिफोरनि नुजाथिनायाव वेवहाय जथुमानि उनाव खौरंगिरिफोरजों सोमोन्दो लाखिनानै अकाट'आ बुंदों, मोन 3 हान्जाया 2024 आव मोनसे जुथाइ राजखान्थियारि नाजानो थाखाय खौसेयै फेदों। जेब्ला बाश्रा सावरायनो थांखि

## हादतआव करनानि जेएन.1 भेरिएन्टआ गोसारदों

गोदान दिल्ली, 31 डिसेम्बर: जेसेबां गोखौयै गोदान बेरामिफोरखौ मोन्दों, एसेबांनो गोखौयै सुबुंफोरा करनाखौ फेजेनानै मोजांआव फेनो हादों। भपालआव करना सन्देनायफोरनि अन्जिमाया बांबोगासिनो, जेराव करना पजिटिभफोरनि अन्जिमाया सा 14 जाहैबाय। मख'जाथावदि, गंसे नख'रिनो सा 3 सुबुंफोर करना पजिटिभ जादों। गासिबो सन्देनायफोरनो एसिन्टमेटिक आरो 18 बोसोरनि गोजौनि बैसोनि। करना पजिटिभ जानाय

गासिबो बेरामफोरनो सिगांआव करना भेक्सिननि मोनैबो डसखौ लाखांखानाय। गोदान मोन्नाय पजिटिभ बेरामफोरखौ हम आइसलेसन खालामनाय जादों। शनिबारखालि बिहारआव सा 7 करना पजिटिभ मोनो। बिसोरनि गेजेराव पाठना आरो गवायाव सा 3 आरो दरभंगायाव सा 1 करना पजिटिभ मोनो। बेरामिफोरनाव करनानि गोदान भेरिएन्ट थामहिनबा जेएन.1 खौ मोन्नायजों सावसि बिफानआव दावरावबो सोमजिदों।

जेसेबां गोखौयै गोदान बेरामिफोरखौ मोन्दों, एसेबांनो गोखौयै सुबुंफोरा करनाखौ फेजेनानै मोजांआव फेनो हादों। भपालआव करना सन्देनायफोरनि अन्जिमाया बांबोगासिनो, जेराव करना पजिटिभफोरनि अन्जिमाया सा 14 जाहैबाय। मख'जाथावदि, गंसे नख'रिनो सा 3 सुबुंफोर करना पजिटिभ जादों। गासिबो सन्देनायफोरनो एसिन्टमेटिक आरो 18 बोसोरनि गोजौनि बैसोनि। करना पजिटिभ जानाय

## गाहाड़ मन्थि मदिआ 'मन की बात'नि 108 खोन्दोखौ जर'खा होन्ना फोरमायदों

गोदान दिल्ली, 31 डिसेम्बर : सिगांनि दानफोरनि बायदिनो गाहाड़ मन्थि नरेन्द्र मदिआ दिने डिसेम्बर दाननि जोबथा रबिबाराव रेडिअ प्रग्राम 'मन की बात'नि 108 थि एपिसडिआव हादतजों सोमोन्दो लाखिदों। बे समाव बिथाडा फिट इन्डिया बायदि आयदाफोरखौ लानाने सावरायदों। गाहाड़ मन्थिया गावनि बिबुंथिनि जागायजेन्नायाव बुंदोंदि, भारतआ आथिखालाव गावनि आइथिडव गसंथानायनिफ्राय आवगायलांबाय। दिवालीयाव जानाय फालांगिया बेखौ फोरमान होयोदि, सुबुंफोरा भकेल फर लकेलनि सायाव बोलो होदों। बेनि अनगायै बिथाडा चन्द्रयान-3 मिशनआ जाफुंसारनायखौ रायखानाने बुडोदि, बे मिशननि गेजेरजों जोंनि हादतनि बिगियानगिरिफोरा हादतखौ मुदांखा खालामदों। फारसथिं गेलेमुनि फोथाराव जोंनि हादतनि एटलिट आरो क्रिकेट गेलेगिरिफोरा हादतयारिफोरनि गोसोखौ देरहासारनो हादों। सिगां फारसे गाहाड़ मन्थिया बुंदोंदि, मन की बात हाबाफारिया 108 थि एपिसडिआव सौफैबाय, जाय जोबोद जर'खा होन्ना बुंजायो। मानोना 108 आ जोंनि हादतनि




थाखाय मख'जाथाव, बेनि गोथारथिया मोनसे गोथौ संदान्नायनि आयदा। दोंसे मालायाव 108 माला बेगर, 108 जाप, 108 दिब्या गोहो, मन्दिफोराव 108 सिरि, 108 घन्टिफोर, 108 निबे अन्जमाया जोबनो गैयै फोथायनायजों लोब्बा गोनां। बेनिखायनो मन की बातनि 108 एपिसडिआ बिथानि थाखाय जोबोद जर'खा। बेयो 140 कौटि भारतयारिफोरनि गोहोदि, बे बोसोराव हादतआ गोबां जर'खा जाफुंसारनायफोरखौ मोनो हादों। आथिखालाव भारतनि खना-खनला गावनि फोथायनायजों आबुं जानाने फेदों। जौगाखां भारतनि सान्दाथिजों, गावनि आइथिडव गसंथानायनि सन्थौजों हादतआ गोजौ फारसे आवगायदों। गोदान बोसोर 2024 आवबो जों बयबो बे मोन्दांथि आरो नाजानायखौ लाखिलांगोन। सिगां फारसे मन की बातआव गाहाड़ मन्थि नरेन्द्र मदिआ बुडोदि, भारतनि इनभेशन

गाहाड़ मन्थिया मन की बातआव बुंबावदोंदि, कासी-तामिल संगमामआव बाहागो लानो थाखाय रोजा रोजा सुबुंफोरा तामिलनाडुनिफ्राय कासीयाव सौहोदोमोन, बेवहाय बिथाडा बे सुबुंफोरजों बिबुंथि लाखिनायाव आर्टिफिसियल इन्टिलिजेन्स एआइ टुलखौ गिबि खेब रइज्योआरि महरै बाहायदों। बिथाडा जौसांआव हिन्दी रावजों बिबुंथि होबाय थादोंमोन। नाथाय एआइ टुलनि जाहोनाव बैयाव बाहागो लाफैनाय तामिलनाडुनि सुबुंफोर बिथानि बिबुंथिखौ गावसोरनि तामिल रावजों खोनानो मोन्दोंमोन। बेनि उनाव मदिआ झारखान्दनि दरसे गामिखौबो रायखाडो, जाय गामिया गावसोरनि गथ'फोरखौ बिमानि रावजों सोलोंथाइ होनायनि थाखाय मोनसे जर'खा हाबाफारि लादों। बैयावनि फरायसालिखौ जागायजेन्नाय अर्बिन्द उरामआ बुंदोंदि, आदिबासि उन्देफोरा इराजी रावजों सोलोंथाइ लानायाव जेना जादोंमोन, बेनिखायनो बियो गामिनि गथ'फोरखौ गावनि बिमानि रावजों सोलोंथाइ होनो जागायदों। उन्देफोराबो बिमानि रावजों सोलोंथाइ होनायनि गोनांथि जायो होन्ना बिथाडा बुंदों। सिगां फारसे

## गाहाड़ मन्थि मदिआ सोनाब एसियानि बयनिखुइबो देरसिन थानसालिखौ बेखेवगोन

गोदान दिल्ली, 31 डिसेम्बर : गोदान बोसोरनि गिबि दानाव, थामहिना 22 जानुवारिखालि अयध्याआव राम मन्दिखौ गोथार खालामनाय जागोन आरो बे समाव भारतनि जेरावबो बेनि सायाव गोबां सावरायनाय जायो। नाथाय भारतनिफ्राय 2400 किल'मिटर गोजानाव थानाय गुबुन मोनसे गिदि हिन्दु थानसालिआ आबुडे थियारि जानाने दं। जायखौ गाहाड़ मन्थि मदिआ बेखेवनो थांगसिनो दं। खमैबो 700 कौटि रां बाहायनाने लुजानाय बे थानसालिया जुथाइ आरब एमिरेटस (इ.ए.इ.) नि गिबिसिन अन्थाइनि हिन्दु थानसालि'दड, नाथाय गासै सोनाब एसियानि बयनिखुइबो देरसिन थानसालिबो जागोन। बे थानसालिया मानो जुनिया आरो मानो बेखौ बुंजाय जादों, बेयो लाख-लाख सिबियारिफोर आरो दावबायारिफोरखौ गोसो बोहोगोन। थानसालिनि अरथाइखौ बे बाश्रानिफ्राय हमनो



हायोदि, बेनि लुनायाव 40,000 घन मिटर मार्बलनि अन्थाइ, 1 लाख 80 रोजा घन मिटर बाला अन्थाइ आरो 18 लाखनि बांसिन इथा बाहायनाय जादों। दासिम, बेखौ लुनायाव 4 लाख घन्टानि बांसिन खामानि माननाय जाबाय आरो दासिमबो गोबां खामानि दंबावो। बेयो इ.ए.इ.आव अन्थाइजों लुजानाय गिबिसिन हिन्दु थानसालि। बचासनवासी श्री अक्षर पुरुषोत्तम स्वामीनारायण संस्था (बीएपीएस) नि बे थानसालिया गुबुन गुबुन हारिफोरनि हारिमुफोरखौबो जायगा होदों। थानसालिनि जौथाया 108 फुट जागोन। बेयो सोनाब एसियानि बयनिखुइबो

देरसिन हिन्दु थानसालिबो जागोन। थानसालिनि डिजाइन्खौ बेदिक बुमिनसार आरो मुसुखाफोरनि सायाव बिथा खालामनाने थियारि खालामनाय जादों। भारतनि आरिमुगिरिफोरजों गोबां मुसुखाफोर बानायनाय आरो दानख'नाय जादों। 2015 मायथाइयाव गाहाड़ मन्थि मदीनि दावबायनाय समाव इ.ए.इ.आव बे थानसालिखौ लुनायनि थांखि लानाय जादों। दुबाइ-अबु थाबी राजालामायाव बेनि थाखाय 17 एकड़ हा होनाय जादों। थानसालिनि अन्थाइ खाम्फाखौ 2017 मायथाइयाव गाहाड़ मन्थि मदिआ गायसनदोंमोन, दा

गाहाड़ मन्थि मदिआनो बेखौ बेखेवनो थांगसिनो। 50 रोजानिबो बांसिन सुबुंफोरा थानसालि लुनायाव इथा बाहायदोंमोन। बेयाव भारतनि माखासे गिदि सुबुंफोरबो दंफायो। बायजो हायुंआरि मन्थि एस जयशंकर, फावखुंगुर सन्जय दत्त आरो अक्षय कुमारआ लुनायनि थाखाय इथा गायसनदों। बेफोरनि मोनफ्रोमबो थिखिनिया जुथाइ आरब एमिरेटसआव मोनसे अमीरातनि नेरसोन। बेनि थांखिया गोबां हारिमुआरि खौसेथि आरो गोरोबलायनायखौ बाहोनाय। बे फसंथानखौ भगवान स्वामीनारायणखौ भगवान कृष्णि अवतार महरै मान होनायनि थाखाय मिथिनाय जायो। बेयो दासिम 1100 नि बांसिन थानसालिफोर लुखांबाय, जेराव दिल्लीनि अक्षरधाम मन्दिआरि भारतनि बायजोआव बयनिखुइबो देरसिन हिन्दु थानसालि (निउ जासी, आमेरिकायाव) दं।

## हुति बिग्रायारिफोरा रेड सिआव फिन एन्टि-शिप बेलेस्टिक मिसाइल गाव हर्टों

वाशिंगटन, 31 डिसेम्बर : आमेरिकाया फिन खनसेबाव हुति बिग्रायारिफोरा गावहरनाय मोनने एन्टि-शिप बेलेस्टिक मिसाइलखौ सिलिंखार खालामनो हादों। इउएल सेन्ट्रल कामान्डआ फोरमायदोंदि, 1 सप्ताहनि गेजेरावनो नैथि खेब बेबायदि गाग्लोबनायखौ फेलें खालामनो हानाय जादों। मख'जाथावदि, इउएस सेन्ट्रल कामान्डनि बायदिब्ला हुति बिग्रायारिफोरा गंसे फालांगियारि जाहासखौ थांखिनाने मोनने एन्टि-शिप बेलेस्टिक मिसाइलखौ गावहरदोंमोन। आमेरिकानि सान्थिया रबिबार फुडव बे मोननैबो मिसाइलखौ सिलिंखार खालामनायाव जाफुंसार जायो। हुति बिग्रायारिफोरा रबिबार फुनि 8:30 रिगा समाव गंसे कन्टेनार जाहाजखौ थांखिनाने गाग्लोबदोंमोन। बे जाहाजआ रेड सिजों थांगसिनो दडमोन

मोनने एन्टि-शिप बेलेस्टिक मिसाइलखौ सिलिंखार खालामनो हादों। इउएल सेन्ट्रल कामान्डआ फोरमायदोंदि, 1 सप्ताहनि गेजेरावनो नैथि खेब बेबायदि गाग्लोबनायखौ फेलें खालामनो हानाय जादों। मख'जाथावदि, इउएस सेन्ट्रल कामान्डनि बायदिब्ला हुति बिग्रायारिफोरा गंसे फालांगियारि जाहासखौ थांखिनाने मोनने एन्टि-शिप बेलेस्टिक मिसाइलखौ गावहरदोंमोन। आमेरिकानि सान्थिया रबिबार फुडव बे मोननैबो मिसाइलखौ सिलिंखार खालामनायाव जाफुंसार जायो। हुति बिग्रायारिफोरा रबिबार फुनि 8:30 रिगा समाव गंसे कन्टेनार जाहाजखौ थांखिनाने गाग्लोबदोंमोन। बे जाहाजआ रेड सिजों थांगसिनो दडमोन



होन्नाने इउएस सेन्ट्रल कामान्डआ एक्सआव मिबिथिहोदों। डेनमार्क नि गावयारि जाहाजआ बै समाव मदत बिहरदोंमोन। बेनि उनाव आमेरिकाया मोनने एन्टि-शिप बेलेस्टिक मिसाइलखौ फेलें खालामनो हायो। खौरं मोननाय बायदिब्ला बे गाग्लोबनायाव जाहाजआ जेबो रोखोमनि ख'हा जायाखै आरो रावबो सुबुडबो जेबो रोखोमनि जोखोम जायाखै। मख'जाथावदि, 19 नभेम्बरनि उननिफ्रायनो जायखि

जाया जाहाजखौ थांखिनाने हुति बिग्रायारिफोरनि बेयो 23 थि गाग्लोबनाय। बियो नैथि खेब, जेराव आमेरिकाया सप्ताहसेयावनो हीति एन्टि-शिप मिसाइलफोरखौ गावखलायदों। बेनि सिगां बुधबारखालि आमेरिकाया गं 12 डून आरो गं 5 मिसाइलफोरखौ गावखलायदोंमोन। बेफोर मिसाइल आरो डूनफोरखौ इराननि हेफाजब मोननाय हुति बिग्रायारिफोरानो गावहरदोंमोन।

## केरेलानि एर्नाकुलाम जिल्लानिफ्राय मोनसे सोमोनांथाव जाथाइया सोराडव फेदों

कच्चि, 31 डिसेम्बर : केरेलानि एर्नाकुलाम जिल्लानिफ्राय मोनसे गिखंथाव के सआ सोराडव फेदों। बेवहाय सासे सुबुडा गिबियाव गावनि बिबिसिखौ बुथारो बेनि उनाव गावबो सुइसाइड जायो। खौरं एजेन्सि पिटिआइनि बायदिब्ला, बे केसआ एर्नाकुलाम जिल्लानि पिराभमनि। पुलिसआ फोरमायदोंदि, रबिबारखालि फुनि समाव एर्नाकुलाम



जिल्लायव सासे सुबुडा गावनि बिबिसिखौ बुथारदों। बेनि उनाव गावबो सुइसाइड जायो। पुलिसनि बायदिब्ला, थैनाय

सुबुडा सिगाडव गावनि साने फिसाजोफोरनि सायावबो गाग्लोबदोंमोन। जोखोम जानाय लाइमोनफोरखौ देहा

फाहामसालियाव थिसन्नाय जादों आरो बिबिसिनि थासारिया गोबां गोब्राव जादों। मख'नो गोनांदि, जोखोम जानाय लाइमोनआ जाथाइनि सोमोन्दे गावनि नसुंसे नख'रनि सुबुंनो फोरमायो, जायनि उनाव पुलिसनो जाथाइनि खौरं हसनाय जायो। पुलिसनि बायदिब्ला, आथिखालाव जाथाइनि सायाव न। इ बिजि रनाय खौ जागायबाय।

## सिक्किमआ गनायथि गैयाजासे होबथाजानाय ओन्सोलफोराव हाबनायखौ होबथानाने दावबायारि ओन्सोलनि नायदिनायखौ बांहोदों



गैयाजासे गारि मथर आरो दावबायारिफोरनि मोनथाय गैयै हाबनायखौ होबथानो थाखाय नायदिनायखौ बांहोनो थांखि लादों। बिफाननि मोनसे सुलुड

फोरमायदोंमोनदि, नाथु-ला बायदि थावनिफोराव मोनथाय गैयै हाबनायनि जाथायफोर जादोंमोन, जाय हायुंआरि रैखाथिनि थाखाय मोनसे जाथावना खैफोद सोमजिहोदोंमोन। बेनि फिथाय महरै, दावबायारिफोरखौ गावसोरनि दावबायनायनि सिगां गनायथि मोनो थाखाय गोसोखांहोनो मोनसे बोसोन होनाय जादोंमोन। सिक्किमनि गेंटक जिल्लानि मोनसे दावबायारि हटस्पट नाथु-लाया

भारत-चीन सिमायाव दं। सिक्किमाव दावबायारिफोरा सरासनस्यैयै गनायथि मोनो थाखाय जथुमजानाय ट्रेवेल एजेन्सिफोर आरो टेक्सो सालायगिरिफोरनाव थाडे, जायखौ उनाव दावबायारि बिफाना होयो। बावैसो सिगां राइज्योखौ भारतनि गुबुन बाहागोफोरजों फोनंजाबग्रा गाहाय राजालामा एनएच 10 खौ खुलिफिन्नायनि उनाव, दावबायारिफोरनि अनजिमाया दिदोमै बांगसिनो दं।

## जानुवारी दानआव बैंकआ 16 सान बन्द'गोर्लैदों

गोदान दिल्ली, 31 डिसेम्बर : गोदान बोसोर 2024 आ जागायजेनबाय। गोदान बोसोर हाबजेन्नाय सानाव बैंक आरो शेयार मार्केटआ बन्द' एबा शुट्टिनि फारिलाइ फोसावबाय। गुबुन बोसोरफोरनि बायदिनो गोदान बोसोरनि जानुवारी दानावबो गोबां बन्द' दड। रंखान्थियारि खामानिनि थाखाय नौथाडाबो बैंकआव थांनो गोनां दडब्ला थांनयनि सिगां खेबसे जानुवारी दाननि बैंक हलिडे लिस्टखौ नायनाने लागोनाया गोनां। मानोना जानुवारी दानाव माखासे फोर्बो आरो नेशनेल हलिडे एबा हादतनाडे बन्द'नि जाहोनाव गुबुन गुबुन अक्टफोराव बैंकआ बन्द' थागोन। भारतीय रिजाभैं बैंकआ हादतनाडेनि बैंक हलिडे 2024 नि फारिलाइखौ फोसावना होबाय। मख'जाथावदि, आरबिआइआ मोनफ्रोमबो दाननि बैंक बन्द'नि फारिलाइखौ फोसावो। बिबिदो

जानुवारी दाननि बैंक बन्द'नि फारिलाइखौबो फोसावदों। आरबिआइनि वेबसाइटआव मिबिथिहोनाय बायदिब्ला, जानुवारी दानाव बैंकफोरा गोबां बन्द' थागोन। सरासन्सायै दानफ्रोमबो रबिबार, नैथि आरो ब्रैथि शनिबाराव बैंकफोरा बन्द' थायो। फारसेथिं शेयार बाजारआ सप्ताहफ्रोमबो शनिबार आरो रबिबारव बन्द' थायो। आरबिआइनि फोसावनाय बायदिब्ला 1 जानुवारीखालि एजाबल, सेनाइ, गेंटक, इम्पल, इटानगर, कहिमा आरो शिलंआव बैंकआ बन्द' थागोन। बेनि उनाव 2 जानुवारीखालि एजाबलआव निउ इयार रंजाथाइ फालिनायजों बैंकआ बन्द' थागोन। बेनि उनाव 7 जानुवारीखालि हादतनाडेनो रबिबार गोर्लैनायनि जाहोनाव गासैबो बैंकआनो बन्द' थागोन आरो 11 जानुवारीखालि मिशनारि साननि थाखाय एजाबलआव बैंकआ बन्द' थागोन। जैरेबायदियै दान मोनफ्रोमबो नैथि



शनिबाराव बैंकफोरा बन्द' थायो बिबिदो 13 जानुवारीखालि नैथि शनिबारनि थाखाय गासै जायगायावनो आरो 14 जानुवारीखालि रबिबारनि थाखाय गासैबो जायगायावनो बैंकआ बन्द' थागोन। बेनिफ्राय 15 जानुवारीखालि मकर संक्रान्ति एबा मागो दमासि आरो पंगाल फोर्बो गोर्लैनायनि जाहोनाव गेंगलुरु, चेन्नाइ, गेंटक, गुवाहाटी, हाइड्राबाद, अन्ध्र प्रदेश, तेलेंगाना बायदिफोराव बैंकआ बन्द' थागोन।

चेन्नाइयाव 16 जानुवारीखालि तिरुबल्लुबर सान आरो 17 जानुवारीखालि उड्डाबर तिरुनालनि थाखाय चेन्नाइयाव बैंकफोरा साननै बन्द' थागोन। बेनिफ्राय 21 जानुवारीयाव फिन रबिबारनि बन्द' थागोन। इम्पलआव 22 जानुवारीखालि इमइनु इरत्पा आरो 23 जानुवारीयाव गान-नगाइनि थाखाय इम्पलआव साननै बैंकआ बन्द' जागोन। 25 जानुवारीखालि महम्मद हजरत आलिनि जोनोम सान, जेराव चेन्नाइ, कानपुर, लक्षनौआव बे सानखालि बैंकआ बन्द'

## रासिया-इउक्रेन दावहायाव आमेरिकाया बाहागोआरि जागोन होन्ना सांग्रांथि होदों

वाशिंगटन, 31 डिसेम्बर : रासिया-इउक्रेन दावहाया आथिखालावबो सोलिगासिनो। बेनि गेजेरावनो बावैसो सिगां रासियाआ इउक्रेनआव गोखों गाग्लोबो, जेराव 122 मिसाइल आरो 36 डूनजों गाग्लोबो। बे गाग्लोबनायाव सा 27 सरसनसा नोगोरारिफोरनि जिउ गोमादों। अखंमा सान्थिनि सासे बिबानगिरिआ बुंदों, बेयो 22 दाननिफ्रायनो सोलिबाय थानाय दावहायाव बे साननि गाग्लोबनाया बयनिखुइबो देरसिन उरंजों गाग्लोबनायमोन। बे समावनो गाग्लोबनायखौ लानाने आमेरिकानि हादतगिरि ज' बाइडेनआ सांग्रांथि होदों। बिथाडा मोनसे बिबुंथियाव बुंदों, जुदि



रासियाआ इउक्रेननि हेंथा दावहायाव जाफुंसार जायोब्ला आमेरिकाया थोंजों दावहायाव जाफुंसार जानो हागौ। गोदान बोसोर हाबनायनि सिगां रासियाआ गोखोंसिनै गाग्लोबनाय आरो इउक्रेनाव दासिमनि बयनिखुइबो देरसिन गाग्लोबदों। बे गाग्लोबनायाव गंसे फाहामसालि एपार्टमेंट ब्लक आरो गोबां फरायसालिफोर सिलिंखार जायो। बिथाडा बुंबावोदि, लास्त्रियै 18 घन्टिसिम सोलिबाय थानाय बे गाग्लोबनायाव खमैबो सा 27 सुबुंफोरनि जिउ गोमायो आरो गोबां बायखोन्दा थुख्राफोराव होसिनजाना थैयो। बिबिसिनि अनगायै सा 144 जोखोम जायो। आमेरिकानि हादतगिरि ज' बाइडेनआ बुंबावदों बेयो मुलुगनि थाखाय मोनसे रोखा एलार्मदि बे सिलिंखार लाबोनाय दावहाया जागायनायनि 2 उनावबो पुतिननि थांखिया सोलायाखै। बियो

इउक्रेनखौ फोजोबखानो आरो सुबुंफोरखौ गावनि आथि सिडव लांनो सान्दों, बेखौ होबथानाया गोनां थार। जुदि, बिबदि जायाब्ला आमेरिकाया बे दावहायाव बाहागोआरि जानांगोन। मख'जाथावदि, इउक्रेन सान्थिनि गाहाड़ भलेरी जलुजनीआ बुंदों, इउक्रेननि अखंमा सान्थिआ हरसेमानि बांसिनै मिसाइल आरो शाहेद इन्खौ गावखलायनो हादों। अखंमा सान्थिनि कामान्दार मायकला एलेशचुकआ गावनि मावख'आरि टेलिग्राम चेनेलआव लिदों, बेयो फ्रेबुवारि 2022 आव रासियाआ आबुं दावहा जागायनायनिफ्राय दासिमनि देरसिन उरंजों गाग्लोबनाय।

# भारतजों लोगोसे गासै मुलुगावनो गनाय जानाय ग्रेगरियान केलेन्दार मानि थाखाय जर'खा मिबथिगौना ?

गोजाम बोसोरा जोबलानायजों लोगोसे गोदान बोसोर जागायनायनि खाबुआव गोबां सुबुंफोरानो जायगायाव आरो गुबुन दाबसे जायगायाव थानानै रंजाथाइ फालियो। साफ्रोमबो सुबुंफोरानो गोदान बोसोरखौ गाजा-गोमजायै बरायनो मोजां मोनो। गासै मुलुगावनो ग्रेगरियान केलेन्दारनि बायदियै गोदान बोसोरनि रंजाथाइ फालियो। नाथाय नोंथाडा माब्लाबा सानखांदों नामादि, जाय केलेन्दारखौ जों मानिनानै सोलियो बे केलेन्दारआ बवेनि आरो बेखौ सोर बानायदोंमोन ? भारतआवबो बेखौ मानो गनायनाय जायो आरो बेयाव मा जर'खा बाथा दं, जायखौ गासै मुलुगआनो गनायो ? गासै मुलुगावनो गनायथिजानाय बे केलेन्दारखौ ग्रेगरियान केलेन्दार होना बुंनाय जायो। मुलुगाव केलेन्दार सोलिबोनाय एबा गनायथिजानायनि जारिमिना जोबोद गोजाम होना बुंनाय जायो। गोहो गोरा राजाफोर गाव गावनि खुंथाइ खुंनाय समाव गावनि सुबिधा बायदियै केलेन्दारफोरखौ थि खालामनानै सोलिहोदोंमोन। बेफोर केलेन्दारफोर माखासे हादतफोरव गोसारहोना एबा गनायथिहोनाबो गोबां नाजानाय जादोंमोन। अदेबानि नोंथाडा मोनसे बाथाखौ मिबथिनानै सोमोनांनो हागौदि, आथिखालाव बाहायजाबाय थानाय ग्रेगरियान केलेन्दारआ



आगुनिफ्रायनो बिब्दि नडमोन। बेखौ गोबां खेब सोदानाय जादों। बुंनाय जायोदि, बेजों लोब्बा थानाय गिबिसिन केलेन्दारआ रमान साम्राज्योआव जागायदोंमोन। अब्ला रमान केलेन्दारआ जोबोद जेंना गोनांमोन। रमान खुं'गिरि जुलियास सिजारआ बेयाव सोदानायनि उनाव जुलियान केलेन्दारखौ सोलिहोयो। इउरपआव गोबां मुगासिम जुलियान केलेन्दारखौ बाहायनाय जादोंमोन, जेव 1 बोसोरव 365.25 सान दंमोन। बबेखानि 1 बोसोरव 365.24219 सान थानायव बेयाव मोनफ्रोम 128 बोसोरव सानसेनि फाराग जानो हददोंमोन। बे फारागआ 15 थि जौथाइनि उनाव 11 साननि जाहैयो। बेनि गेजेरावनो दानफोराबो सोलायनो हमो। नाथाय बोसोरनि सानफोरा बैबायदिनो थायो। रमनि 13 थि पप ग्रेगरिया 1582 आव बे

केलेन्दारआव माखासे सोदानाय लाबोयो। बिथाडा जुलियान केलेन्दारनि 4 अक्टबर 1582 नि अक्टखौ 11 सान बारायनानै 15 अक्टबर 1582 खालामना होयो। बेनि उनाव बे केलेन्दार ग्रेगरियान मुं मोनो। बेनिफ्राय 16 थि जौथाइनि उननिफ्राय इउपीयानफोर गासै मुलुगाव थानानै बैयाव खुंथाइ खुंहेनो हमो। बेबायदिनो बिसोरो आफ्रिका, एसिया, सा आरो खोला आमेरिकायाव ग्रेगरियान केलेन्दारखौ सोलिहोयो। फारसेथिं 19 जौथाइनि जागाय जे ननायसिमाव इउरपीयानफोरनि गोहोआ जर'खायै खूचनफोर मुलुगानाडे गावसोरनि गोखों गोहोम गाइसननो हाबायमोन, जायनि जाहोनाव ग्रेगरियान केलेन्दारआ बांसिन हादतफोरव लासै लासै गनायथि जायो। 20 थि जौथायाव मुलुगानां फालांगिया बांनयजों लोगोसेनो ग्रेगरियान केलेन्दारखौ बाहायनाया बांबोनो

हमो। मानोना बेखौ आजावनायाव सुबुंफोर सुबिधा गोनांसिन मोनो हददोंमोन। भारतआव ब्रिटेनआ बे केलेन्दारखौ 1752 माइथायाव सोलिहोदोंमोन। अदेबानि उदांसिनि समाव हिन्दु केलेन्दारखौ आजावनायनि सायाव सावरयनाय जादोंमोन। नाथाय भारत सरकार सरकारि हाबाफारियाव ग्रेगरियान केलेन्दारनि बायदियैनो सोलिहोयो। बेजों लोगोसेनो सरकारा हिन्दु भिक्रम संभतखौबो आजावना लायो। ग्रेगरियान केलेन्दारआव गासैबो दानफोरानो सानफोर समान थाया। बेयाव 30 सान थानाय दान मोनब्रे आरो 31 सान थानाय दान मोनब्रे थायो। फारसेथिं फेब्रुवारी दानआ 28 सान थायो, जेव मोनफ्रोम 3 बोसोरव मोनसे फुग सान सरजाबफनाय जायो, जायखौ लिभ इयार होना बुंनाय जायो। बे बोसोरनि फेब्रुवारी दानआ 29 सान जायो।

## गोमोथाव

बा-बा-बा मा एसे मोजां समाइना बे दुफावलुर बुहुमालाइ सोरगिदिं बिफां-लाइफां हाजो-हाला दाउमा-दाउसा जिब-जुनादजों बुंफबनाइ। हाजो-हाला, हाग्रा-बंग्रा, खारनलाय-खारखोलाइ मोसा-लखा, मै-मुफुरफोरनि बेसे नाइथाव बेसे गोमोथावमोन। हाबाब, सोर मेगन गोसानि मोहेरनायाव जाजोबबाय सिलिंखार खालाम जोबबाय बहाबा गोमोर लांजोबबाइ दिनै। नुदोंमोन शाल-सिगुन, सिसु-सन्दन ग्रोम-ग्रोम बिफां लाइफांनि बागान नुदोंमोन लखा-मोसा, मै अमा मुफुर मैहुर गेलेदों अराय सानहर। सिमांसो जाबाइ आं नुबोनाइ नुथाइफ्रा हर' मोनना सानमोन हमनो हालिया आय' ग'साइ सोरनि गेलेहोनाय अबंलावरिनिना मुनुस्मायानि ?

**मुस्त्रि सोमदोन गयारी गामि-दियाबारी**  
ला: +जिल्ला-क'क्राझार,

## मिजिं

अराय हाथासि आंनि गोसो आरो मोनसे देहा। दं आंनि गोसोआव मोनसे मिजिं। थागोन नामा, बे आंनि मिजिंआ मानिबा जाहोनाव फेलें- ? थाडा थाडा थाडा। आंनि मिजिंआ फेलें। आखायनि खलमनि बिदै आं रानाखै। आखाय आसिआबो सोमावनो बायाखै। गोसोआबो मेलेमाबो मेंआखै। नेवसिआखै बै आंनि मिजिंखौ होसोनी।

**मिस धोनसि बसुमतारी फरायसालि- बासुगाव गोजौसिन गेजेर खलब फरायसालि।**

## आं मा खालामबावनो

आं नों अनजालिखौनो मोजां मोनोमोन आं मा खालामबावनो नों अनजालिआ एसेबो खेरखोराया नोंनिफ्राय, अननाय दोंसेबो मोनैआव। आं दा जिउआव हासिंडे गोदाव-सोराव आं नों अनजालिखौनो बोसोर थाम जाबाय मोजां मोननाया नाथाय नोंनि अननाय ! आंहा मानोबा उरां-फरां जालाबाय थायो आंनि जिउआ बेसेन गैये जाबाय सानदोंमोन अराय समनि थाखाय, बे समायना संसाराव सुख सानथि ! नाथाय माथो नोंखौ मोजां मोननाय आं दिनै आनदाय नांबाय !!

**मुश्री टेंकुराम बसुमतारी**  
जिला- धुबुरी बि टि सि आसाम।

## आगोर

सानबोलाउरिआव लोहाव लोहाव ब'बा सुबुंनि भावथिना बायाद माब्लाबा गाबो अरो माब्लाबा मिनियो, आरो माब्लाबा..... सम बोथोर जेबो उदिस मोना। माखौबा आंगो माखौबा नेउसिनाय करैनो माथो मागिरदों....., मोनसे आगोर, थानानै थानांगौनि, मानोना सानबोलाउरिनि रायजोया बुरखाय बुरकाय आखाय फायकनहरो जेराव गाव गोनां आबिरजों। सुबाव मोनखौनाय फैलाव गोरबोया मिजिंनि फाख'नजों गोजाव गोजाव फेंफोनानि महर लाना नुहुरदोंसै माथो, भुहुमनि सोरगिदिं मोनसे गिथावनानै लैथोमानि दाहार। साथिख' साथिख' सानसिब्लाबो नुहुराखै माथो, कंसे दैमुनि निजिरा गोजांसिउ मोनदोंसै जिउ बिलादआ सगलोबसार खोमसिन मुखुराबो लासैनो फैसालियाव गसंफेबाय मोनदांस हैयै सनि गुपुरा आनदायवाय लामा बेनिनो नागिरदों मोनसे आगोर।

**सुबास बसुमतारी कचुरागव( थाप्लाजरा )**

# रंजालि गथ'फोरनि औरा

## गसाइआलाइ सासेयानो नडहोमबा

मानो हरि दाना लाखो नों फाफी ? जेराव गसाइआ मुनुस मैया महरैसो दैथायदोंमोन नोंखौ , बुडे सिगां जोनोमाव मोजां हाबा मावनाय थाब्लासो गसाइआ जोखौ मुनुसनि जोनोम जाहोयोनो। नों मालदारब्लालाय मा जानो नोंबो मन्दिर मस्जिद,गिजायावनो बिबायारि फोर लारि लारि बिबाइनो जनाय गसाइनि नआवनो खुलुमहैयो बिहैयो, नोंनि गोसोनि थासारिखौ फोरमायहैयो औ फारागथिया बेनो दि नों मन्दिर मस्जिद गिजा सिखव हाबना गसाइखौ खुलुमहैयो नाथाय बै बिबायारिआ नोंनाव बिबायबायो, लांगोनासिमल' सिमा खाहोजायो नों गसाइनाव बिना बिनोबो रानना होगोन सानना बियो आखाय फारनैखौ खबजब बायो मानोना धोरमनि फालांगि खालामग्राफोरा बिसोरखौ सिखव खुलुमहैजानो बायो मैला जाबायगोन होनना नाथाय नों बिखौ नारख्तायबाइयो नुयिबादि थायो। गसाइआलाइ सासेयानो नडहोमबा ? अब्ला मानि फारागथि लाबोनो नाजाबायदों नोंसोर गसाइनि मुखव फालांगि खालामग्राफोर नै नोंसोर धोरम फानग्राफोर इसे सांग्रां जागोर, गसाइनि नोजोरारवनो दं नोंसोर हारि दाना लानो हदों जेब्ला हायोब्ला गुबुन गसाइ बै गोरिबनि थाखाय सोरजिना होगोर।

**-अन्जना देवी उपाध्याय कक्राझार**

## नोंखौ आं बोरै बावनो हानो

नोंनि मिनियेरो मिननाय नोंनि लाजिस्लु राव होनाय, मै मेलेगिनि गल' नायनाय नोंखौ आं बोरै बावनो हानो.... ? ख..... ? नोंनि रोमैलु मेगनिन इसाराजों हायना सारफावनाय बै बारगलानाय बुब्लिखौ। जेबोला आं नोंजों दानदिसे बिदाय लानो नोंसानाव थदोंमोन। नोंनि रैदुब आखायजों जाहो हरनाय बै अन्नायनि गय खान्दिसेखौ आं बोरै बावनो हानो.... ? हाया....हाया....बिनानाव आं थारैनो बावलांनो हाला नोंनि गोथार अन्नायखो बे आंनि थिप्लिं जिउनि अनसुला गोरबोआव बोजोबा बोजोब थारैनो नोंखौ नेना थागोन आं बै गाथोनाव। नोंखौ आं बोरै बावनो हानो.... ?

**मुश्री सोरां बसुमतारी फरायसालि- के चि चौथुरी स्कुल**  
ला:सो:- क'क्राझार  
जिल्ला:-कक्राझार,( बि.टि.सि.)

## जिउनि फैमाल

सोरबाया रोंग'थि लानानै सोरबाया रोडैखौ लानानै गोरान बरजों। सारा मुलुगनि निहोरा रातैयावबो दुखु दाहानि बालाया रानखाव लांबाय। गोजौ जोमैनि हांखाय नायाव खाफालनि रिफिनाया बेनिफ्रायनो दिंद्रायनांबाय। सिमांबायदि जाबाय बे जिउआ गोरान बिलाय बायदि सिबथिं जाबाय सोरनिबा खाफालाव देरहानायनि अखाफोर गावदां-दां सोरनिबा खाफालाव जेन्नाय आरो रोडैनि लैथो हाब्रां सोरांथौ-हरथौ गोदान नखोरोंखौ नागिरनानै, गोदान जायख्तिं सायायाव गोजोन सुदेम बारजों।

**मुश्री फनि महन इश्लारि गोजौं जामबुगुरि हाई स्कुल**  
थाखो:- जि ( 10 ) पास  
जिल्ला:-कक्राझार,( बि.टि.सि.)

## गजल खन्थाइ

रजे नोंखौ बेसे बुंवावनो खन्थाइनि थिलिआव खन्थाइ रेबनो बुंदोंमोन रजे नोंनि मोजानि थाखायनो सुबुं जाना सुबुंनि मुलुगाव आगान गालांनो नों जुदि गोरबोसे गैयाबोला माथो बुंवावनो

**-रैदोम बर', माजदिया, बगुलामारि, बाक्सा**

## समायना

बेनो गिबि आंनि मेगनिन नोजोराव मुख नोंनि जैरे समायना महरा नोंनि नायबाय थाथाव थव थफिनाय समायना गुलाब बिबार बायदि। लोगो मोनजेन्नाय समाव हालां बाजारनि गोथार देउल मेला गोसोआ माब्रेबा हरखाब सोलायबाय नोंनि समायना महरखौ नुनानै। नाजाब्लाबो नाजाब्लाबो बावनो हायै नोंनि अन्नायनि गोदै बिसिबिया उसु खुथु मोनलायनाय सानखानाय सोमजिहोयो गोसो गोबौनि गुरैसिन थावनियाव। मेगन बेसां खानाय लाम्ब्रे देरफुनाय खावलायाव थरसे समायना सबाय बिमा बेनो फोरमान होयो आंनो अनसुली गोथार गोसोनि फोथायसुली। लोगो मोनफिन्नाय बिसमुनि बाजारव सान्दोंमोन आं नोंजों रायज्जालयनो बादा होयो मानोबा गोसोआ गोबौंआव थाफिनो खुगानि राव। लुनो जुरिना होबाय नों आंनि गोबौंआव गंसे समायना मन्दिर।

**मुश्री अमर बसुमतारी**  
ला:सो:-हलथुगाव  
जिल्ला- क'क्राझार बि टि सि आसाम

## बर'नि फिसाफोर

नै नोंसोर बर'नि फिसाफोर- मेगना खेव मेगना खेवदो। नै, नोंसोर बर'नि फिसाफोर- नायफिन्दो नोंसोर गावनि बर' हारिखौ। बोखांदो नोंसोर गावनि हारिनि गियानखौ, अनखांदो नोंसोर गावनि असे बर' सुबुंखौ। नै, नोंसोर बर'नि फिसाफोर- दाखालामसै नोंसोर आलाय-सिलाय, गावनि असे आंगोनि बर' हारिखौ। थैनि बेरसावनायजों, थैनि बेरसावनायजों। नै, नोंसोर बर'नि फिसाफोर- मानो मुगैखो नोंसोर गावनि असे हारिखौ। मानो मुगैखो नोंसोर गावनि असे बर' सुबुंखौ मानो बावलांखो नोंसोर गावनि असे आंगोनि बड'लेण्डखौ ? नै, नोंसोर बर'नि फिसाफोर- फैफिन्दो नोंसोर खौसेनि गियान लाना। खौसेनि आखाय मुथाजों बिरहो फैदो नोंसोर बड'लेण्डनि फिरफिला। बुहुमनि मोखथांखोर अखां बिखानि, खोलो-खोलो बारनाय बारनि सायाव आलो-आलो। बायदेमलाय-सिदेमलाय गेलेथों रंजा खुसि जॉनि बर' हारिनि बड'लेण्ड फिरफिला। बिनि सायखंआवनो थाना थागोन जों बर' हारि। नै, नोंसोर बर'नि फिसाफोर बे गोमोथाव लाथिख'माया बुहुमाव, बेजोंनो गायसनना गालांदो नोंसोर बर' हारिनि सिनायथि नेसॉन- बड'लेण्ड आलादा हदोरनि गोगोमो खाम्फा।

**श्री निर्मल चन्द्र बसुमतारी**  
नाइकगाव जनप्रिया गोजौं फरायसालि थाखो-मेट्रिक।

# रिफुजि बादायाव थाखुमानाय हामासनि उतखारिफोरा इज्राइलनि रौनियाफोरनि सायाव गुलि गावदों

जेरुसालेम, 31 डिसेम्बर:। इज्राइलनि रैखाथि गोहोआ शनिबारखालि बुंदोंमोनदि, हामासनि उतखारिफोरा गाजानि गंसे फरायसालिनफ्राय इज्राइलनि रौनियाफोरनि सायाव गुलि गावदोंमोन। बिथाड बुंदोंमोनदि, नोगोरारिफोरा फरायसालियाव आस्रय लादोंमोन। रौनिया इन्टे लिजेन्सनि बायदिब्ला, गोबां हामासनि उतखारिफोरा मोनसे नोगोरारि आस्रय थनाय फरायसालियाव थाखोमानाने दं। रैखाथि गोहोआ बुंदोंमोनदि, आइडिएफनि 188 थि ब्रिगेड दावहा नांग्रा हान्जानि रौनियाफोरा गेजर गाजायाव अल-बुरिज रिफुजि बादायाव गंसे फरायसालिन ओन्सोलाव खामानि मावगासिनो दंमोन, जेव्हा हामास उतखारिफोरा सिडव थाखोमादोंमोन आरो



बिसोरनि सायाव गुलि गावदोंमोन। आइडिएफआ बुंदोंमोनदि, उतखारिफोरा आइजोफोर आरो गथ'फोरनि

उन्धिं थाखोमानाने इज्राइलनि रौनियाफोरनि सायाव गुलि गावदोंमोन। बेनि थाखाय उतखारिफोरा फरायसालि

ओन्सोलाव नोगोरारिफोर थानायनि खाबु लादोंमोन। आइडिएफआ बुंदोंमोनदि, 188 थि ब्रिगेडनि दावहा हान्जानि

रौनियाफोरा फरायसालियाव गाग्लोबदोंमोन। बे समाव रौनियाफोरा गोबां उदखारिफोरखौ खादोंमोन।

सुद'सल'

## अनजालि नों

सिब कुमार ब्रह्म

दिनें आं उदालगुरीयाव बेरायनो थंगोन। उदालगुरी थाउनाव बेरायखानाने न' फासैं ओंखार बोबाय। लामा संहाराव सासे साने, साथाम साइकेलजों जारो मारी खावलाय फावदुरदुर नायनो स'मायना महर गोसा अनजालि आनि खाथिजों बिउ' थाडे। बे अनजालिखौ नुनाने आनि गोसोआ फगला बायदि मोनो। आं साने साने न'आव फेगासिनो थायो नाथय सासे आनि लोगोया आंखौ नुनाने आखाइ फाइखनाने लिंहरो। बिजयासो नायसे नों बबाव थाया अजय ; आं ...थाउनाव (थावन) बेरायनो थानेनो बेरायबाय थायो। लोको फोरा बिखौ लिंनाने गंसे गिदिर साहा हथेलाव हाबो। हटेलनिफ्राय साहा लोंखों जाखों ओंखार बोयो। लोको फोरे लामा दफयाव गंसे न'आव दे लोंनो हाबो। साने सिखलाया लाजिनायजोंनो थाखुमाहां थाखुमाहां जानाने सेंग्रा फोरनि साइकेल खौसो लानाने थॉफलांबाय। सेंग्राफोरा दे लोंखोंनाने थानो नागिरोब्ला साइकेला गंसेबो गैया ; सासे बुरियासो नुनाने बुंनयसै साने सिख्लासो साइकेलखौ लानाने थानें। अजयआ मोखां सोम सोम जानाने बुरिनि खाथियाव थानेनै सॉनयसै सोर सिख्ला नों सिनायो। बुरिया सिनायो होनासै। होनब्लासो अजयआ गोसोखौ स्रं मोननायसै। सॉबावो न'आ बवेयाव आरो सोरनि मा

जायो। बुरिया बुंनो बाबांसिन खोन्था नायसै। अजय आरो गेसाव सानेबो सॉफेनायसै। विमाया फिसाजोखौ गावत्रि लां बायो खाराव माराव। फिसाजो उन्देया न'सिनिफ्राय बुंहरो मामा आब'आ स्क्रलाव थानें। बिसोरो स्क्रलाव थाडे। सिख्ला सानेया सेंग्राखौ नुनाने साइकेल लोबोनायखौ राय जानो गियो। गिनाने सेंग्रानि खाथियाव फेनाने साइकेलखौ ग'थाय फेनायसै। आदा नोंसोर जोंखौ गात्रि मोनो नाड जंहा दौने साइकेल गैयामोन बिनि थाखाय नोंसिनि साइकेलखौ सौया हसिया लाबोनाय जादों नोंसोर जोंखौ निमाहा होदो आदा मोन। अजयआ बुंनयसै साइकेला गोमाब्ला नोंसोरखौ नों लानाने थान्गोमोन। गिनिस्तुयै जानाने बुंनयसै आदा नोंसोर जोंखौ लाफादों नडब्ला नों बॉरे थानो। सिखलाया अजयखौ सॉनयसै आदा नों माहानि जाखो आरो नोंनि मुड मा आदा। आनि मुखौ मानो नांगो नोंलाइ। खोन्थाआ आदा मुखौ। अजयआ लाजिनु जाना खोन्था नायसै। अजयआ सिख्ला फोरनिफ्राय विदाय बिनाने न' फासैं फेनायसै। अजयआ न'आव फेनाने सिख्लाखौ सानबाव थानयसै। साने साने मा खालामगोन मा मागोन सानाने हरसे मानि उन्दुनायाव गान्दु बेलथाय बेलथाय उसु खुथु जाबाय थायो। सिखलायाबो सानहर साने साने समानो बास' लोंजोबाय। दिनें लक्षी पुजा आव सिखलाया बेरायनो फोयो लोको फोरजों। बेरायै बेरायै थिग गाव सिगांथाव लोको मोननाय सेंग्राखौ नुनाने बुंनयसै। आदा अजय नों माबॉरे दड'आरो नोंसिनि नखरनि आय आफा आद'आब' मोनहाबो मोजोडैनो दडना। दा मानि मोजायै नो दड बिन्नाव। नोंहालाय माबॉरे दड मोजायैनो दडना। बिसोर सानेजों पुजायाव बेराय बेराय सोरं नायखौनो मोन्थि लायसै। आदा अजय नों न'आव थादो आरो गामोन नैथि पुजायाव लोको हमदो। अजयआ पुजायाव जाखं लोंखों बेरायनो फेय। सिखलाया अजयखौ नेबाय थायो। सासे लोकोखौ लानाने अजयखौ लिंनाने लाडे। अजयखौ गिनाने लासे बुंनयसै;बिन्नाव मा बाश्रा बडे। सिखलाया लाजिया फाजिया मेगनाव मोदे खुगायाव खुदे लानाने गावनि बाश्राखौ फारि फारि खोन्था लाडे। लाजिनाय जौनो अजयआ मा खालामगोन मा मागोन जानाने ; अनजालि जाबाय वारा बुंनो नाड आनि बिखा सिंयाव हावलाय लायनाय मोनबाय। नों मा बुंखो आंखौ अनजालि बुंनय नों आंखौ बिखा गेजेराव बजबनाने लागोन। अजयआ बुंनाने थानो नागिरोब्ला सिख्ला बिनि आखायाव थाव हमदो आदा अजय नों

थानो नाड आं नोंनि जीउ आदा ; नों आंखौ बजबनाने लानो सान आदा। अजयआ हांमा सुरहावनाने गावनि बिखा गेजेराव गावनि अनजालिखौ बजबनाने लायो। अजयआ हबथासेनि उनाव अनजालिनिस्मि गंसे लाइजाम फोरमायहरो। अनजालिया लाइजामखौ मोननाने बबाव लागोन बबाव मागोन जानाने खुसि जों गावनि गाननाय दखना मखनायाव एथेबनाने लायो। सिखलाया गावनि अनजालिनि सिम गंसे लाइजाम लिं हरो। अजयआ लाइजामखौ मोननाने सब सब खुदुमो। लाइजामखौ बेखेवनाने नायो।

लाइजामाव अँरे बायदि लिंर हरदों- गिबियाव आनि आंगो अनजालु नोंनि सिम गंसे लाइजामखौ नाजावनाने लागोन होननाने खाललायो आदाखौ। लाइजामनि थॉथि- अजय आदा नों आंखौ गात्रि मोनो नाड गंसे लाइजाम फोरमाय हरनायखौ आरो आंखो नोंखौ गात्रि सानाड। अनजालु नों आंखौ मिजिंखालामनाने उनाव बावनो नाड आरो आंखो नोंखौ बावा, नों आनि थैस' थॉस' नि जीउ नोंखौनो आं बावनो सानाड। नोंबो आंखौ बावनो सानाड। आदा नों आंखौ मोजां मोनाने गुबुनखौ सानो नाड आंखो सानाड आइ लाभ इउ अजय नों आनि थैस' थॉस' नि जीउ नों नडब्ला नों आं बे बुहुमाव थानाने थानो सानाड। अजय आदा; आं नोंखौ बावनो नडाय नड। नों बायदि बुहुमाव रावबो गैये आदा। आं नोंखौ बावनाय हाव आइ लाभ इउ अजय आइ लाभ इउ। स्रंया मुलुगाव नों बायदि हौवाब्लाबो नागिरनाने मोनाखे। नायनो समायना महर गोनां आखल गोनां। आदानिफ्राय लाइजाम नेनाने थायो आं। गोजोन्थों।

अजयआ लाइजामखौ सब सब खुदुमनाने लंपेन सिपियाव थोव सोनाने लायो। सानाने सानथामजों उनाव बेरायनो ओंखार लाडे। आदा नों आंखौ मोजां मोननाने गुबुनखौ बजबनो दासान। मा बुदों नों अनजालि नों थानायाव आं रावखौबो मोजां मोना नों आनि सेथि मोजां मोननाय आरि नों आनि जोबंथि जीउ; बिबायदि बुंनाने गावनि अनजालिखौ गेजेराव बजबनाने लायो। आदा अजय नों आंखौ बावगोन नामा। आं थ' बावनाय नाड आदा नों नडब्ला आं बुहुमाव थानाने थानाय नड। नंगो नामा बाबु बिमा। आं नडब्ला नों रायजो जाया नामा। बे जोनोमाव आं थानाने थानानिदियाव



गोदान दिल्ली, 31 डिसेम्बर : भारत हादतनि स्मार्ट फन बायनो गोसो गुदुं जानाने थानाय आरो अपारनि खाबु नेनाने थानाय सुबुंफोरनि थाखाय मोनसे मोजां खौरां सफेदों। बे समाव

बिसोर नो CubotSmartphone.com आ मोनसे मोजां अफार लाबोदों। बेयो कुबट 5 जि स्मार्ट फननि सायाव मोजां रोखोमनि अफार फोसावदों, जेराव 16 जिपि रेम आरो 256 जिबि स्टरेज दड। बेखौ नोंथाड 4999 राडवोनो मोन्नो हागोन। बे प्रडाक्टखौ रेफारबाइसड साकिटखौ बाहायनाने बानायनाय जादों। स्मार्ट फन लानो गोसो गुदुं जानाय बाहायगिरिफोर <https://cubotcmartphone.com/> आव थॉनाने बाइ नाव बाटनआव क्लिक खालामनाने स्मार्ट फनखौ आपग्रेट खालामनायनि बे गोदान खाबुनि मुलाम्फाखौ लानो हागोन। मख'जाथाव

बाश्रादि, बे अफार होनायजों लोगोसेनो फ्रि बुकिंबो होनाय जादों। गोदान कुबट 5 जि स्मार्ट फनआ भारतयारि बाजाराव दोहो सोमर्माजिखोंदों आरो गावखौ मोनसे बाडइ बाजेटनि फन महरै सिनायथि होदों। 2023 बोसोराव भारतयारि स्मार्ट फन बाजाराव मोनसे ट्रेन्ड नुनो मोन्दों, जेराव गोदान स्मार्ट फननि गासै फाननो हानायाव एसे दावखलायनायखौ नुनो मोन्दों। फारसेथिं रिफाबिइड आरो बाहायजानाय स्मार्ट फननि फान्नायखौ बांसिन नुनो मोन्दों। रिसार्च एजेन्सनि बायदिब्ला 2023 नि एप्रिल-जुन दानफोराव स्मार्ट फननि

सिपमेन्टआव 3 जौखोन्दो दावखलायदों, जाय बे बोसोरनिनो जानेवारी-मार्च दानफोराव नुनो मोन्नाय 19 जौखोन्दो दावखलायनायनि रुजुनायाव मोनसे मख'जाथाव सावस्त्रानाय होना मख'जायो। आथिखालाव बाहायगिरिफोरा बाडइ बाजेटआवनो स्मार्ट फन बाहायनो लानायखौ नोजोर होनाने गोदान कुबट 5 जि स्मार्ट फनआ भारतआव कुबट स्मार्ट फननि गेजेरजों लाबोजानाय फोथायनो हाथावे बाडइ एबा थि बेसेनावनो मोन्नो हानाय जानाने फेदों। बाहायगिरिफोरनि थाखाय बेयो मोनसे मोजां खाबु।

(□ 1 बिलाइनिफ्राय)

### बाक्सानि कालपानीनि बिस लॉनाय सा 3 फरायसुलिफोरा जिउ गोमाबाय

फरायसुलिया जिउ गोमानाय जाथाया ओन्सोलनाडैनो दुखुनि साया खोखैदों। मख'नो गोनांदि, बिस लॉनाय सासे फरायसुलिखौ थानाय मोनायाव साबसिन फाहामथायनि थाखाय गुवाहाटीनि नार्सिहमआव थिसन्याय जादोंमोनब्लाबो सुनबारनि सपिना फारबिना (13)आ जिउ गोमायो। बे जाथायखौ खोनानाने नख'रनि बाय-बाहागिफोरनि गेजेराव दुखुनि दाहार बोहैयो। मख'नो गोनांदि, थानाय 9 डिसेम्बरआव बिस गोनां बेसादखौ लॉनाने गावखौनो फोजोबनो नाजानाय सा 3 फरायसुलिफोरा कालपानीनि प्रगति जातीय फरायसालिनि फरायसामो। सा 3 बो फरायसुलिफोरा थानाय 8 डिसेम्बरआव फरायसालिनि बर्डआव माखासे गावसोरनि सायाव मेलेमारि नारसिन्थाय होनायनि थाखाय सायाव माखासे अजदफोरखौ लिरनाने गालांदोंमोन। आथिखालाव जाथायनि सायाव संदानाने एम्फो बुथारया मुलि फानग्रा मियाचान्द आलिखौ पुलिसफोरा हमनाने जेलआव दैथायहरबाय।

### कक्राझार पुलिसआ गेरेमसा नार्जरी बुथारनाय जाथायनि दायनिगिरिखौ हमबाय

फारसैथिं, पृथिवराज नार्जरीखौ बिजिस्सालियाव हाजिर खालामनाने 10 साननि थाखाय पुलिसआ गावसोरनि आवथायाव लायो। पुलिस बिबानगिरिआ फोरमायनाय बादिब्ला, जाथायनि सायाव संदानायाव सोलिगासिनो दड' आरो बे जाथाया मा जाहोन आरो मा बायदिथै सोमजिदों बेनि आबुं फोरमायथिखौ मोन्नो हायाखैब्लाबो मबाइल बायनायनि सोमोन्दै रं लानाय-होनायाव गोरोबलायैनि जाउनाव बे बुथारनाय जाथाया सोमजिदों होनाने बिथाड बुडे। बे जाथायनि सायाव कक्राझार सदर थानायाव आइपिसिनि इड/एस 129 (बि)/302/379 धारनि सिडव 429/23 नम्बरनि मोनसे गसरथिसन्याय जायो। मख'नो गोनांदि, थानाय 30 डिसेम्बरखालि कक्राझारनि मागुस्मारि-लालमाति साहा बागानाव गेरेमसा नार्जरीनि गोथै सहखौ बोखानो हादोंमोन।

### बोसोरनि जोबथा सानाव एमएलए रुपज्यति कुर्मिआ मानास माहारियारि हाग्रामायाव...

बिमाजों साननैब्लाबो सम बारहोनो नांगो होना बुनायनि थाखाय नख'रजों लोगोसे मानास हाग्रामायाव दावबायफेदों। गाहाइ मन्थि नरेन्दुप मदिनि मन की बात हाबाफारनि बाश्रा मख'नाने फावखुंगुर अक्वय कुमारनि सोमोन्दै फोरमायो। गोदान सानखिनि सोमोन्दै आसामआरि राइजो-राजाफोरखौ यगा खालामनाने 7 घन्ता सम उन्दुनो नांगो होनाने देहाखौ गोखोडे लाखिनायनि बिथिडव वयबो सिगांबोनांगो। बावैसो सिगां आलफाजों खानाय गोजोन रादायनि सोमोन्दै रुपज्यति कुर्मिआ बुडेदि हिरेन गहाइआ जेब्लायबो उल्था बाश्रा बुडे। आसामनि मोजां बाश्रा साननायखौ शोनायाखे। बुथारखोमानाय, धेमाजिनि बमा बेरफुहोनाय बायदि बाश्राखौ रायखानाने अनुप चेतिया, अरबिन्द राजख'वाजों बिथाड मोजां सोमोन्दै दड' होनाने बुडे। पेश बरुवाखौ गुबै दाहाराव गिदिबोफिन्नो खावलायनाने पेश बरुवाआ सासे मोजां मानसि। पेश बरुवाआ गोजोन गोरोबथायाव मानो लाजिमोनखो बेखौ हमनो हायाखे होनने बिथाड बुडे। लोगोसे लादेन, मावबादिनि बाश्रा मख'नाने बमा-हाथियारजों जेनाया सुस्त्रांजाया होनाने बिथाड बुडे। गुबुन फारसैथिं, लकसभा बिसायथ'थिनि थाखाय बिजेपि दोलोया साखा-फारा खालामनो गोनां गैये होनाने बिथाड बुडेदि, बिथिआरनि राजखन्थियाव हाग्रामा महिलाराी आ दान्दिसे जिप्रयथ'थों। प्रमद बर'आ गिबि मन्थिजों बिदा-फंबाय बायदि सोमोन्दो दाफुनाने मोजां खामानि मावबोदों होनाने एमएलए रुपज्यति कुर्मिआ फोमायो।

(□ 1 बिलाइनिफ्राय)

### इंराजी गोदान बोसोरनि मुडै गिबि मन्थि ड० शर्माआ ...

जौगाथायनि मोनसे गोदान धोन-सम्पति दाफुगोन होनाने गिबि मन्थि मिजिंथिनाय फोरमायो। गोजोन आरो जौगाथायजों सिगांलानाय राइज्योनि जौगाथाय आरो दावगाथायनि हाथिन्थायाव बिबानगोनाडे बाउसोमनो थाखाय गोदान बोसोरनि गोथार समाव गिबि मन्थिआ राइज्योआरिनिस्मि खावलायहरो।

### तामुलपुर फरायसालिमानि सरकारि जानाय

जिल्लानि गंसे गोजां थाखोनि गुबुन मोनसे सोलोंथाइ फसंथान तामुलपुर फरायसालिमाया थानाय बोसोरफोरव जेबो दान बान्था गैयाजासे सोलोंथाइ होनाने फरायसाफोरनि इयुन जिउखौ नोजोर होनाने रंग्गिथि-सोलोंथाइ होबोदोंमोन। थानाय 28 डिसेम्बरखालि बिटिआर रादायनि सिडव तामुलपुर फरायसालिमानि फोरोंगिरि समाज आरो मावसुमाफोरनि गोबां हाबा मावनाय आरो बाउसोमनायखौ फोजोबनाने बिटिआर सरकार आ सरकारि खालामनायाव आथिखालाव साफ्रोमनिबो खुगायाव मिनिस्तुनायखौ नुनो मोन्दों। फरायसालिमाआ सरकारि जानायाव बिटिआरनि मावफुं सोद्रोमा प्रमद बर' आरो आसामनि गिबि मन्थि ७ हिमन्त बिश्व शर्माखौ साबायख'र बाउहरदों फरायसालिमानि गोरायुं ७ जगेन बर' आरो फरायसालिमा सामलाय आफादआ।

### आलफा (आइ)नि कामान्डार इन्-सिफ परेश बरुवाआ...

बिथाड बुंबावोदि, जुदि पेश बरुवाआ गोजोन सावरयनायाव बाहागो लायोब्ला गासैबो जेनाया सुस्त्रांजागोन। बेफोर गासैबो पेश बरुवानि सायाव सोनारगोन होनाने बुथिगिरि बिश्वजित दैमारीआ बुडे।

### बैसागु सनाथि माइथाय फोर्बो ..

लानाय जादों। बेनि थाखायनो अमिय दैमारीखौ गाहाइ सुजुगिरि, प्रतुगिस गयारी, सानसोरं दैमारी, सोमावसार दैमारी, कलसर मुसाहारी, लिबिना बसुमतारि, अन्जि ब्रह्म, प्रिति बसुमतारि, जानमनि जायुं आरो रिंकु बसुमतारिखौ लानाने सुजु आफाद दानाय जायो। लोगोसे आजिरा मोन्नाय फोरोंगिरि, थुनलाइगिरि, समाज सिबियारि एबा गागि नोगोरारि सुबुंफोरखौबो बोसोनगिरि महरै सुजु आफादआव सायख'नाय जायो। गुबुन फारसैथिं, सनाथि माइथाय फोर्बो, रंजालि बैसागुखौ गाहाइ माहाम देदेनलानो थाखाय बैजिं दैमारीखौ मासिगिरि आरो जारि बसुमतारिखौ लिंथुमगिरि महरै सायख'नाने खुंफुं आफादखौ दाफुनाय जायो।

(□ 1 बिलाइनिफ्राय)

### बि टि आरनि गं 1 5 सिनियर सेकेण्डारि ...

जेबो दान बान्था गैया जासे मावबिबान फालिबोदोंब्लाबो बिसोरनि बांसिनानो आथिखालाव जेबो दान बान्था मोना जासे आजिरा लानायनि अनगायै खामानि मावनाय बांसिनानो सोरनिबा साखिआ बोसोर से- बोसोरनैल' सम दसै। बेबायदि थासारियाव बेफोर सिनियर सेकेण्डारिफोरखौ सरकारि खालामनायनि हाबाफारि जागायजेनैखौ लानाने दुखु मोन्नाय फोरमायदों दुलाराय बिटिआर भेन्सार सिनियर सेकेण्डारि मावसुमा आफादआ। मख'नो गोनांदि, दिनें कक्राझार प्रेस क्लाबआव मोनसे खौरंगिरि मेल खुंनाने आफादनि आफादगिरि सेमेस्वर नार्जरीआ दुखु मोन्नाय फोरमायदों। बिथाड खौरंगिरि मेलआव गावसोरनि थासारिखौ जोबोद दुखुनांथाव होना मिबिथि होनाने गं 10 डिग्री फरायसालिमाफोरखौ सरकारि खालामनाय खामानिखौ हेफाजाव होनाने थाबेनो गं 15 सिनियर सेकेण्डारि फरायसालिफोरखौ सरकारि खालामनो खावलायो। गोजां सोलोंथाइनिन्त' बिथिडव गोनांथि होयोब्ला जानाय नड, जॉनि इयुन जोलैया गुदि फरायसालिनिफ्राय फारिये- गोजां गेजेरारि, गोजांसिन गेजेरारि, फरायसालिमानि उनाव मुलुग सोलोंसालियाव सोलोंथाइ आजवाना लायो। बेनि थाखायनो डिग्री फरायसालिमाफोरखौ सरकारि खालामनायनि सिगां जुनियर फरायसालिमा एबा सिनियर सेकेण्डारि फरायसालिफोरखौ सरकारि खालामनायनि हाबाफारिखौ जागायजेनगोमोन होनानेबो माखासे फोरोंगिरिफोरा बिबुंथि होदों। नाथाय बिटिआरनि गाहाइ मावफुं सोद्रोमा प्रमद बर'आ नैथि खोलोबाव सिनियर सेकेण्डारि फरायसालिफोरखौ सरकारि खालामनायनि हाबाफारिखौ जागायजेनगोन होना आथिखालाव खोथा होदों आरो बिथाड जाहाथे सम बायदिथै गावनि खोथा होनायफोरखौ मावफुंमोन बेनि थाखायबो खौरंगिरि मेलआव खावलायदों। जायनि थाखाय गावसोर सोमावसारनायनि लामाखौ लानो गोनां जागोन होना फोरमायदों। मख'नो गोनांदि, दिनें खौरंगिरि मेलआव सरकारि जाथै गासैबो सिनियर सेकेण्डारि फरायसालिफोरनि गोरायुंफोरजों लोगोसे माखासे फोरोंगिरिफोरा बाहागो लाफेदों।

### इंराजी गोदान बोसोर 2024 माइथाया ...

जानाय, लोगोसे समाज आरो नख'रिआवबो बायदि थासारि सोमजिंलांबाय। आथिखालनि बिगिया-बिरोदामिन सोलोंथाइ आरो बादायलायनाय थाखो मुगायाव गोदान जोलैआ जिउ खानायनि बिथिडव गोबां मोगा-मोगि जादों। राजखान्थियारि बिथिडवबो गोबां सोलायथाय सोमजिदों। -बेबायदि बिबुंथिखौ साहित्य एकाडेमिनि बर' एडभाइजारि बर्डनि कनभेनर, बर' थुनलाइ आफादनि बारा' आफादगिरि तेरेन बर'आ गंसे रादाव बिबुंसारनि गेजेरजों राइजो-राजाफोरनिस्मि खावलायहरदों। बिथाड बिबुंसारआव गोजाम बोसोरखौ बाउगारनाने मोनसे गोदान मिजिंजों साफ्रोमबो सिगांबोनाने खामानि हारिमुखौ गोखें खालामनो सम सौफेबाय होनाने खावलायदों। इंराजी 2024 गोदान बोसोर समाजनि गासैबो थाखोनि सुबुंफोरनि गेजेराव गोजोन खौसेथिखौ थि लाखिनाने गात्रि गोहोआ जाहाथे जोबस्त्रालाडे बेनि थाखाय खौसेथै खामानि मावलांनगोन। बे गोदान बोसोराव मोजां सान्नाय-हानायनि सोरां सौफेथों। गोदान जोलेनि गेजेराव खौसेथि सोरजिनाय दरसे गेदेमा भारत आरो आसाम सोरजिनायाव जाफुंसारजों बेखौनो खावलायना साफ्रोमनिस्मिबो इंराजी गोदान बोसोर 2024 माइथायखौ लानाने बर'आ हामब्लायथि बाउहरदों।

### भवानिपुरआव गपाल आतानि थुनलाइ...

जायो। मख'नो गोनांदि, भवानिपुरनि लाइमोन एबा आसामनि सासे मुंदांखा फावगिरि दिपज्यती दासआ मिलौदो देंखो रोजावनाने सुबुंफोरनि गोसोखौ गोजोनग्लाय होनो हादों। मख'नो गोनांदि, मोनाबिनिनि 7:30 रिगायाव गोजां बोथोरनि सायाव सावरययज्जलायनायनि हाबाफारिखौ बेखेवना होयो बिप्लेडस कलेजनि रंखान्थि बिफाननि बिबुंगोप रिबुन ताकुव्दाराआ। बे हाबाफारिखौ गोबां अन्जिमानि थुनलाइ मोजां मोनग्रा, हारिमु मोजां मोनग्रा एबु खन्थाइ मोजां मोनग्रा सुबुंफोर गाव-गावनि सुजुनाय खन्थाइ आरो मेथाइफोरखौ आवरायना होयो होनाने खौरंगिरिआ सुलुडव फोरमायथियो।

## इन्डस्ट्रीआव 7 बोसोर आबुं जानायखौ लानानै रश्मिका मन्दनाया नायगिरिफोरनो साबायख'र जासिदों

रश्मिका मन्दनाया 2016 आव ऋषभ शेट्टिन सावथुन 'किरिफोर्टि' जों गावनि के रियारखौ जागायदोंमोन। इन्डस्ट्रीआव रश्मिकानि 7 बोसोरनि दावबायनाया गोबां मोजाडै बारग'लादों। फावखुंग्रिआ माखासे हिट आरो सुफारहिट सावथुनफोरव फाव खालामदों आरो बे दावबायनाया दासिमबो सोलिंगासिनो दं। 2023 नि 30 डिसेम्बरआव रश्मिका मन्दनाया



इन्डस्ट्रीआव 7 बोसोर आबुं फावखुंग्रिआ गावनि फेन्सफोरनो जाबाय। बे जरखा खाबुआव साबायख'र बावनानै गोसोनि

बाभ्रा फोरमायदों। फावखुंग्रिआ गावनि 7 बोसोरनि दावबायनाया माबायदि जादों आरो बेवहाय गावनि फेन्सफोर गावनो बेसेबां मदत होदों बेनि सोमोन्दै सावरायदों। फावखुंग्रिआ इन्सटाग्राम स्टोरियाव 7 बोसोर आबुं जानायाव गावनि गोसोनि हमदांनयखौ फोरमायदों आरो दावबायनाया मोजां जादों होन्ना बुंदों। बेनि थाखाय गाव गावनि हास्थायगिरिफोरनो साबायख'र

बावो। रश्मिका मन्दानानि गिबि सावथुन किरिफोर्टिआ 2016 नि सुफारहिट सावथुनफोरनि गेजेराव मोनसेमोन। गावनि गिबि सावथुनआवनो रश्मिकाया दोहो गोनां एक्टिजों लाख-लाख सुबुंफोरनि गोसोआव जायगा बानायनो हादों। क्रिटिक्सनिफ्रायबो बियो गोबां अन्याय मोन्दों। बियो साबसिन डेब्यु खालामनायनि थाखाय सिमा (एसआइएमए) एवार्डखौबो मोनो हादों। बेनि उनाव रश्मिकाया चमक, आन्जानि पुत्र आरो चल'बायदि सावथुनफोरव फाव खालामदों। रिडमाई बयफ्रेन्ड भिजय देभर कन्डाजों रश्मिकानि सावथुन गीता गभिन्डम (2018) आ बिनो मुलुगनां सिनायथि होदों। 2021 आव बल्कबास्टर सावथुन पुष्पायाव फाव खालामनायनि उनाव रश्मिकाया बलिउड सावथुन गुडबायजों हिन्दी सावथुनआव आगान होयो।

## माहाम देहानि राहा

### गोबां फान्लु गोसा जाग्रा आदार जायोब्ला नोंथाड माखासे जेंनाजों बुगिनांनो हागौ

माखासे सुबुंफोर मस्ला गोबां होनाय जाग्रा आदारखौ जानो मोजां मोनो। लोगोसेनो फान्लु गोसा जाग्रा सुबुंफोर गोबां गोखैयै बांनो हमदों। नाथाय नोंथाडा मोनथिगौना, गोबां फान्लु गोसा जाग्रा आदार जानायजों देहायाव गोबां रोखोमनि ख'हा जायो। गोनांथि जानायनिफ्राय बांसिन जायोब्ला नोंथाडा गोबां जेंनाफोराव गोसलैनो हागौ। जोंनि संग्रा न'आव फान्लु गोराननि फावदारखौ गोबां बाहायनाय जायो। माखासे सुबुंफोर फान्लु गोसा जाग्रा आदार जानो मोजां मोनो। नाथाय बेखौ गोबां जानायजों दोगोन जानायाव गोबां जेंनाजों मोगा-मोगि जानांगौ जायो।



गोसा जाग्रा आदारआ देहायाव गोबां बेरामफोरखौ बांहोयो। हाइ बिपि गोनां बेरामिफोर बेखौ जानाया गाहाम नडा। नडब्ला जेंनाया गोबां बाडो। गोसा जाग्रा आदारखौ गोबां जानायजों देहानि बिगुरआबो गात्रि जायो। मोखाडव पिटर आरो दाखोन सिखाडो। गोबां मस्ला गोनां जाग्रा आदारखौ गोबां जानायजों देहानि लिखाडआबो गोखैयै बाडो। बेवहाय गोबांकेल रिथयो। गोबां गोसा आरो मस्ला गोनां जाग्रा आदार जानायजों नोंथाडा फाइल्सनि जेंनाजों भुगिनांगौ जायो। बेनिखायनो गोबां गोसा मुवा बेसादथखौ जानायनिफ्राय जानगाव थानाया गाहाम।

## टम भिलिक्न्सननि रुंसारि जानायजों हलिउड इन्डस्ट्रीआव दुखुनि थासारि सोमजिदों

बोसोरनि जोबथा समाव सावथुन मुलुगनिफ्राय मोनसे दुखुनांथाव खौराडा सोराडाव फेदों। 40 बोसोरनिफ्राय सावथुनआव फाव खालामनाय फावखुंग्रिआ टमस जेप्रि भिलिक्न्सन एबा टम भिलिक्न्सनआ रुंसारि जाबाय। बाप्ट आरो गल्डेन ग्लब बायदि एवार्डखौ देरहासारनो हानाय टमआ 30 डिसेम्बरखालि 75 बोसोर बैसोआव रुंसारि जायो। नख'रनि एजेन्टनि गेजेरजों सेटेमेन्टआव टम भिलिक्न्सननि रुंसारि जानायनि खौरांखौ मोन्दों। सेटेमेन्टआव बुंनय जादोंदि, नख'रनि फारसेनिफ्राय मिबथिहोनाय बायदिब्ला टम भिलिक्न्सनआ 30 डिसेम्बरखालि गावनि न'आवनो हरखाबै रुंसारि जायो। बे समाव बिनि बिसि आरो नख'रनि सोद्रोमाफोरा बिजों लोगोसेयै दडमोन। आथिखालाव टमनि रुंसारि जानायनि जाहोनखौ मोनथिनाय जायाखै। टमनि रुंसारि जानायजों हलिउड इन्डस्ट्रीआव दुखुनि थासारि सोमजिदों। माखासे हलिउड स्टारफोर टमनि रुंसारि



जानायाव दुखु मोन्नाय फोरमायदों। डेड इन ए उडकआव टमजों लोगोसे खामानि मावफानाय एनिउरिन बरनाडआ एक्सआव मोनसे पस्ट सेयार खालामनायै लिरदों, टम भिलिक्न्सननि रुंसारि जानायनि सोमोन्दै खौरां मोनानै गाव गोबां दुखु मोन्दों। मोनसे समाव गाव बिजों लोगोसे मोजां समखौ हगार हरदोंमोन। बियो गावसोरनि साबसिन लिजेन्डफोरनि गेजेराव सासेमोन। एनिउरिननि अनगायै रिसर्डरपर, सावथुन मेकारस्कट डेरिक्सन आरो गेप्ट हेडलन्डजों लोगोसे माखासे स्टारफोर दुखु

मोन्नाय फोरमायदों। गेरेडआ लिरदों बयनिखुइ साबसिन टम भिलिक्न्सन, दुखुनि सान दुखुनि खौरां। गाव हास्थायोदि, गासै फावगिरिफोर आरो सुबुंफोरा बिनि गोसो, आत्मानि थाखाय आरज' गाबनांगोन। गावनि थाखाय बर्डनआव टमजों लोगोसे खामानि मावनाया मोनसे सन्माननि बाभ्रा जादोंमोन। 100 निफ्राय बांसिन सावथुनफोर आरो टिभि स्वफोरव फाव खालामनाय टम भिलिक्न्सनआ एक्टिं मुलुगाव फेनायनि सिगां उकिलनि सोलेंथाइ लादोंमोन। बियो इउनिभासिटि अफ

रेन्टनिफ्राय लनि सोलेंथाइ लादों, नाथाय उकिल जानायनि सोलायै, फाव खालामनायनि मुलुगाव आगान होनो थांखि लायो। ब्रिटिस फावखुंग्रिआ टम भिलिक्न्सनआ गावनि केरियारखौ स्मगा सेनियजों जागायदोंमोन। बियो गिबि खेब सावथुन फार्करजों सिनायथि मोन्दोंमोन। बियो फेपार मास्क, प्रिस्ट, इन डा नेम अफ डा फाडार, ए बिजनेस एफेयार, डा घस्ट एन्ड डा डार्कनेस, इन डा बेड रूम बायदि सावथुनआव फाव खालामदोंमोन। जोबथा खेब बिखौ टिभि सिरिज डा फुल मन्टि (2023) आव नुनो मोन्दोंमोन। टमआ गावनि जरखा फाव दिन्थिनायजों गोबां ए व ड फोर खौ देरहासारदोंमोन।

## हटसिडआव जिरायनानै साराया अमिताभ बच्चनजों नक-नक गेम गेलेदों

बलिउडनि फावखुंग्रि सार आलि खानआ एक्टिंनि अनगायै सशेल मिडियाआव 'नक-नक' गेमनि थाखायबो मुंदांखा। बिनि आखु आरो जंखायनाय रावफोरखौ सुबुंफोरा गोबां मोजां मोनो। फावखुंग्रिआ बे आखुखौनो कौन बनेगा कर्ड पति- 15 नि सेटआवबो दिन्थिदों, जायनि उनाव अमिताभ बच्चन आरो बेवहाय बाहागो लानाय नायगिरिफोरा गाव गावनि मिनिनो आंखानायखौ हमथानो हायाखै। के बिसि-15 आ टेलिभिजनआव जोब्याय। ग्रेन्ड फिनलेनि एपिसडआव मुंदांखा फावखुंग्रि समिला टेगर आरो बिनि फिजौसो सारा आलि खानआ बाहागो लादों। बिसोर सानैआ अमिताभ बच्चनजों गोबां रंजादों। बिगबिआ जेब्ला हटसिडआव बिसोरखौ बरायो



अब्ला साराया बुडो, अमित सार नक-नक। बेखौ खोनानाय लोगो लोगोनो अमिताभआ गोनो गोथो जायो आरो नक-नकआ मा होन्ना सोंथि सोडो। बेनि उनाव साराया बिनो गेमनि सोमोन्दै फोरमायना होयो आरो बैहाय सोर दड होन्ना सोंनो थिनो। जेब्ला बिगबिआ बे सोंथिखौ समिला टेगरनि

फिसाजोनाव सोडो अब्ला बियो नाहरनो हागोन होन्ना फिन्याय होयो। बेनि सायाव अमिताभआ बुंबावो, नायहर सोरबा दड। सिम्बानि फावखुंग्रिआ बुडो, 1 कौटि रं देहानाय नुनो मोनगोन। बे गेमआव अमिताभ बच्चनआ सारा आलि खानखौ गोबां जंखायदों। बियो बुंदों, नोंथाडा गावखौल' बे गेमनि थाखाय

मुंदांखा सानो नामा? आंबो नक-नकखौ मोनथियो। मख'नो गोनांदि, कौन बनेगा कर्ड पति-15 नि जोबथा एफिसडखौ 29 डिसेम्बरखालि दिन्थिनाय जादोंमोन। अमिताभआ मेगनाव मोदें लानानै स्वखौ बिदाय होयो। ग्रेन्ड फिनलेनि एपिसडआ गोबां खौराडव थार्दों।

## प्रियंका चप्रानि बिमा मधु चप्राया निउक्लिद्यार फेमिलि सिस्टेमनि सायाव हेंथा होदों



प्रियंका चप्राया जाफुंसारनो हानाय फावखुंग्रि। बिनि स्टार डमआ मुलुगनाडै मुंदांखा। गुबुन हादतआव थानानैब्लाबो प्रियंकाया गावनि आसार खांथिखौ बावगाराखै। बिखौ सम सम भारतीय फोर्बाफोरखौ फालिनाय नुनो मोनो। फावखुंग्रिआ लस एन्जिल्सआव बिमा मधु चप्राजों थायो। बियो बेनि थाखायबो बाख्नाय जायोदि, एसेबां मुं आरजिनो हानाय आरो जुलिनि

उनावबो गावनि बिमाखौ हारसिडै नागाराखै। प्रियंकानि बिफाया बे बुहुमाव गैला, नाथाय फावखुंग्रिनि आखायाव बिनि मुनि टेटु दड। जाफुंसारनायनि उनावबो बियो गावनि बिफानि थाखाय लिटिल फ्रिन्सेस महै थादोंमोन। रेजिं स्टार मुनि बिजाबआव मधु चप्राया फिसाजोनि एसिभमेन्ट आरो भारतआव गोखैयै गोसारनाय जइन्ट फेमिलि सिस्टेमनि सायाव बाभ्रा बुंदों। बियो

बुंदोंदि, सासे फावखुंग्रिनि बिमा जानानै गाव गौरखौ हमदाडो। गाव फिसाजोनि थाखाय जेसेबां खामानि मावदों बेनिफ्राय बांसिन फिसाजोआ गावनो होदों। बियो जइन्ट फेमिलि सिस्टेमनि सायावबो बाभ्रा सावरायनानै बुंदों। निउक्लिद्यार फेमिलि सिस्टेमखौ बन्द' खालामनांगौ। बियो बुंबावदों, गावनि फिसाजोआ बिमादें, बिबाँ, बिमा आरो नख'रनि खाथि सोमोन्दै थानाय सुबुंफोरनि गेजेराव देरदों। गावनि थाखाय नख'रनि सुबुंफोर गोबां गोनांथार आरो बे प्रायरिटिआनो गावनि फिसानि थाखायबो। बै समाव जेब्ला गाव खामानियाव थाडेमोन अब्ला न'नि गुबुन सुबुंफोर गावनि फिसानि सायाव नोजोर लाखियोमोन। गावनि फिसाया माब्लाबाबो हारसिं जायाखै। बेनिखायनो बिबो जइन्ट फेमिलि सिस्टेमखौ मोजां मोनो।

## सलमान खानआ धर्मेन्द्रजों लोगोसे 'एनिमेल' नि सिनरवो दिन्थिदों



गोदान बोसोर जागायनायनि सिगां नायगिरिफोरा बिग बस- 17 आव धर्मेन्द्र आरो बबि देअलनि बाहागो लानायखौ नुनो मोनगोन। कन्ट्रभासिआव थाग्रा बे स्व'आव 2023 नि जोबथा

सानखालि गोबां रंजानायखौ नुनो मोनगोन। बलिउडनि 'हि-मेन' धर्मेन्द्र आरो मिका सिंआव बे स्व'आव बाहागो लागोन। फारसेथिं, सप्ताहनि 'वार' एपिसडआव सलमान खानखौबो बाहागो लानाय

नुगोन। थांनय माखासे सप्ताहनिफ्राय रबिबारनि एपिसडखौ आरबाज आरो शहेल खानआ हस्ट खालामदों। बिग बसनि न'आव फेनानै 88 बोसोरनि धर्मेन्द्र आ गोबां रंजादों। बियो बबि देअलनि

'जमाल कुदु' देंखोनि हुक स्टेपखौबो दिन्थिदों। बिजों लोगोसे सलमान, आरबाज, शहेल आरो कृष्णा अभिषेकआबो बे देंखोआव मोसानानै रंजादों। प्रमआव दिन्थिनाय बायदिब्ला, मिमिक्रि खालामनो मोजां मोनग्रा समर्थ जुरेल एबा सिन्थुआ धर्मेन्द्रनि आखुआव डायलक होयो। फारसेथिं बिग बसनि न' सिडाव बांसिनै दावराव-दावसि जालायबाय थाग्रा जरा भिक्कि जेन आरो अंकिता लखन्डेनि रमान्टिक मोसानायखौ नुनो मोनगोन। धर्मेन्द्र आ बे जरानि मोसानायखौ गोबां मोजां मोन्दों। बेजों लोगोसे

आरोबाव मोनसे ज'रानि रमान्टिक मोसानायखौ नुनो मोनगोनब्ला गुबुन फारसेथिं इशा, समर्थ आरो अभिषेकनि लाभ ट्राएंगलनि कन्सेप्टनि सायाव मोसानायखौबो नुनो मोनगोन। बिग बस-17 आव जर'खा पार्टिजों 2024 खौ बरायगोन। बादायारिफोरखौ साबसिननिफ्राय हामसिन बलिउड देंखोफोराव मोसानाय नुनो मोनगोन। बे रंजानायजों लोगोसेनो बिग बस-17 निफ्राय सानै बादायारिफोर दावबायनायाबो जोबलांगोन। गोदान बोसोरव फेन्सफोरा रिंकु धवन आरो निल भाट्टनि गेमखौ नुनो मोन्नाय नडा।

## सावथुन हुंकीआ बक्स अफिसआव सरासनर्रा रां आरजिदों

शाहरुख खान आरो भिक्कि कौशलनि सावथुन 'हुंकी' आ बक्स अफिसआव सरासनर्रा रां आरजिदों। कमेडि, ड्रामा आरो सशेल मेजेसजों साजायनाय बे सावथुनआ सुबुंफोरखौ मिनि होनायजों लोगोसे माखासे बाभ्राफोरखौ फोरोंनो नाजायो। 2023 नि



जोबथासिमाव किं खाननि बे सावथुनआ आसा खालामनायनिफ्राय साबसिन दिन्थिफुनो हानायाव जाफुंसारदों। सावथुन डिकआव सा 5 लोगोफोरनि सल' जाय गुबुन हादरआव थांनो हास्थायो नाथाय बिसोरनियाव भिजा गैया। बेबायदिआव बिसोर गोबां राहा दिहुनानै गावसोरनि

सिमांखौ आबुं खालामनो नाजायो। राजकुमार हिरानीनि बिथोन होनायाव बानायनाय सावथुन डिकआव कमेडिखौ गोबां नुनो मोन्दों। बे जाहोनावनो बक्स अफिस कालेक्सनआव बांसिन जाहेंदों। शनिबारखालि एबा 30 डिसेम्बरसिमाव हुंकीनि रां आरजिनायाव सानफ्रोमबो

दावख्तायनायखौ नुनो मोन्दों। नाथाय आथिखालाव बेनि कालेक्सनखौ बांनय नुदों। रिपटनि बायदिब्ला, हुंकीआ रिलिजनि 10थि सानाव 9.25 कौटि रंखो आरजिदों। सावथुनआ बक्स अफिसआव 176.47 कौटि रंसिमखौ आरजिदों। शाहरुकनि बे सावथुनआ प्रभासनि सावथुन सालारनि

1 सान सिगां रिलिज जादों। बेबायदिशाय मोनैबो सावथुनफोरनि गेजेराव बक्स अफिसआव जुजिलायनायखौ नुनो मोन्दों। सालारआ 300 कौटिनि बांसिन रंखो आरजिदों। जेराव डिकिआ 200 कौटिनि अनजिमायाव सौहैनो दासिमबो माखासे सम नांगोन।

# कातारआव भारतआरिफोरखौ फासि होनाया बन्द' जाबाय, भारताव थैनायनि साजानिफ्राय बारग 'नायनि जोबथा राहाया मा ?

**गोदान दिल्ली, 31 डिसेम्बर:** काटारनि कर्ट अफ फर्सट इन्स्टेन्सआ सा दाइन भारतयारि बारग'लैथोआरिफोरखौ संगालि संनायनि दायआव फासिनि साजा फोसावदोंमोन। बावैसो सिगां, कातारआव सा दाइन भारतयारि फोरखौ होनाय थैनायनि साजानि जाथाया हेडलाइन्सआव दंमोन। बेनि मोनसे गाहाय जाहोना बेमोनदि, बिसोर गासैबो भारतारि दै सांथ्रि हानजानि बारग' रौनियाफोरबोमोन। दा गोदानसिन खौरांआ बेनोदि, बे गासैबो बारग' भारतारि लैथोआरि रौनियाफोरनि थैनायनि साजाखौ संगालि खालामनायनि दायआव दोन्थ'नाय जादों। बबेखानि, बे समनि थाखाय गासैबो भारतारि फोरा कातार जोबथेसालियाव थागोन। भारतनि बायजोआरि मन्थ्रि बिफानाबो बेखौ रोखा खालामदों। कातारनि अपील बिजिरसालिया बृहस्पतिवार, 28 दिसेम्बरखालि गावनि रायखौ होदों। हियारिनि समाव भारतारि राजधान्दे आरो गासैबो रौनियाफोरनि नख'रनि सोद्रोमाफोरा बिजिरसालियाव दं। बे बिथिडाव, बायजो हायुंआरि मन्थ्रि बिफाना मोनसे लिरनाय बिबुंथि फोसावदोंदि, जों गुवारै थिरांथाखौ नेगासिनो

दं। दा जेव्ला थैनायनि साजाखौ बन्द' खालामनाय जाबाय, अब्ला बेखौबो मिन्थिनाया गोनांदि कातारनि बे गासै जाथाया मा। बेजों लोगोसे बेखौबो बुजिनांगोनदि, जुदि भारतआव सोरखौबा फासिनि साजा होनाय जायो, अब्ला बिनि थाखाय बेनिफ्राय बारग'नायनि जोबथा राहाया मा जानो हागौ ? कातारनि कर्ट अफ फर्सट इन्स्टेन्सआ सा दाइन भारतारि बारग'लैथोआरिफोरखौ संगालि खालामनायनि दायआव फासिनि साजा फोसावदोंमोन। बिनि उनाव भारत सरकारा बे रायखौ मोनसे अपील बिजिरसालि (भारतनि गोजौ बिजिरसालिनि समान) नि सिगाडव जुजिदोंमोन, जाय गाहाय बिजिरसालिनि थिरांथाखौ बोखारदोंमोन। दा बे बाथ्राया कातारनि गोजौसिन बिजिरसालि 'कर्ट' अफ कनसेसन'आव थानो हागौ। जुदि गोजौसिन बिजिरसालिया गोजौ बिजिरसालिनि थिरांथाखौ उलथायो, अब्ला हादोरनि 'आमिर' थामहिनबा गाहाय खुंगिरि शेख तमीम बिन हमद अल थानीआबो थैनायनि साजाखौ निमाहा होनो हागौ। बेयो काटारनि बाथा, दा फे जों भारतारि आयेननि बागैबो मिन्थिनि। भारताव जायखिजाया दायनि थाखाय बयनिखुडबो



देरसिन साजाया 'थैनायनि साजा'। बबेखानि, थैनायनि साजाखौ खालि मोननो थाडे मामलाफोरनि गेजेराव मोननो थाडेथामहिनबा जोबोद गोब्राव आरो मुगैथाव दायफोरनि बेलायावल' होनाय जायो। बे राहाया 'बच्चन सिंह बनाम पंजाब रायजो, 1983' के सआव गोजौसिन बिजिरसालिनि थिरांथानि उनाव फेदोंमोन, जेराव गोजौसिन बिजिरसालिया बुंदोंदि, 'मोननो थाडेमामलायाव' थैनायनि साजा होनांगौ। दानिया फासिनि साजानि बेलायाव फे। जुदि सासे दायनिगिरिखौ जिह्ला बिजिरसालिया फासिनि साजा होयो, अब्ला बिहा गोजौ बिजिरसालिनि दरजाखौ नारख्वायनायनि राहा थायो। लक्ष्मौ मुलुगसोलोंसालिनि आयेन फोरोंगिरिनि बारग'

फरायसा आरो सासे प्रेक्टिसिं उखिल प्रवीन पंकज यादवआ बुंदोंदि, जिल्ला सत्र बिजिरसालिखौ धारा 366 सीआरपीसीआव फासिनि साजा होनायनि मोनथाय होनाय जादों। नाथाय बेनि थाखाय गोजौ बिजिरसालिनिफ्राय मनायथि लानांगोन, गोजौ बिजिरसालिया फोरमान आरो गुबुन फोरमानलाइफोरखौ सानो। जेव्ला जिल्ला बिजिरसालिया थैनायनि साजा फोसावो, अब्ला बिजिरनाया गोजौ बिजिरसालियाव थाडे आरो जेव्लासिम गोजौ बिजिरसालिया बेखौ रोखा खालामा अब्लासिम साजा होनाय जानाय नख। जुदि गोजौ बिजिरसालिया साजाखौ बाडय खालामा, अब्ला बे बाथ्राया गोजौसिन बिजिरसालिसिम थाडे। कातारनि बायदि एखे

बिखान्थियानो बांसिन। दा जुदि गोजौसिन बिजिरसालिआबो थैनायनि साजाखौ दोनबाय थायो, अब्ला दायनिगिरिया हादतगिरिया खाथियाव निमाहा आर'ज गाबनो हायो, नाथाय जेव्ला हादोरगिरियाबो निमाहा निमाहा आर'जलाइखौ नेवसिगांरो, अब्ला सरासनस्वायै बेखौ बुजिनाय जायो दि दा खारखोमानायनि गासैबो दरजाफोरा बन्द' जाबाय। नाथाय बिदि नख, मानोना दासिमबो मोनै राहा दं जायनि गेजेरजों थैनायनि साजाखौ बासायनो हायो। जुदि

थांजोडै गोजौसिन बिजिरसालियाव दाखिल खालामनाय जायो। जुदि बे मोनैबो आर'जलाइखौ नेवसिनाय जायो, अब्ला 'क्युरेटिव पिटिसन'खौ बाहायनाय जायो। 'क्युरेटिव पिटिसन'नि खोनासंनायनि समाव, आरजलाइ होग्राया गासिबो आयदाफोर खौ दैखांदोंमोन, जायनि सायाव बिथा खालामानां बिजिरसालियाव बेखौ फोरमान खालामनाय जायो दि बेफोरखौ सुसंनानयनि गोनांथि दं। बे आयदानि हियारिनि समाव, बिजिरसालिया जायखिजाया थाखोआव सासे गागि उखिलखौ 'एमिकास क्युरी' महै बोसोन होनो थाखायबो लिंहरनो हागौ। बबेखानि, मोनफ्रोम बिथिडाव 'क्युरेटिव पिटिसन'खौ बाहायनो हानाय नख। बेखौ अब्लासो बाहायनाय जायो जेव्ला बेबादि नुनो मोनो दि बिजिरसालिनि थिरांथाया 'न्यायनि खांथि'खौ फालियाखे, एबा जुदि बबेबा केसआव 'नायबिजिरफिननाय

आर'जलाइ' दाखिल खालामनाय जादों, एबा जुदि 'क्युरेटिव पिटिसन'आव बैफोर आयदाफोर दं जायफोरखौ 'नायबिजिर फिननाय आर'जलाइ'आव खोनासंनाय जायाखे एबा मोजाडै सावरायनाय जायाखे। इ 2002 माइथायाव, 'रु पा अशोक हुरा बनाम अशोक हुरा एंड ओर्स' नि केसखौ खोनासंनाय समाव, 'क्युरेटिव पिटिसन' नि सानदांथिया गिबिखेब फेदोंमोन। बिनि उनाव, गोजौसिन बिजिरसालिया गावसोरनि थिरांथाखौ सोलायनायनि उनाव 'क्युरेटिव पिटिसन'नि सानदांथिखौ सिगाडव दोन्दोंमोन। थानाय माखासे बोसोरफोराव, भारतनि बयनिखुडबो बांसिन सावरायजानाय केसफोरनि गेजेराव मोनसे, 'निभया' आरो 'याकुब मेमन केस'आव, दायनिगिरिफोरा थैनायनि साजानिफ्राय बारग'नो थाखाय 'क्युरेटिव पिटिसन'नि राहा लादोंमोन।

## तेलेंगानायाव कंग्रेसनि मोनसे गोरोंथि बि.जे.पि.-बि.आर.एस.नि मुलाम्पा जागोन लकसभा बिसायख'थिनि सिगां दोलोनि सिगाडव मा फेरफाथिनाय दं

**हाइड्राबाद, 31 डिसेम्बर:** गावनि गेरेंटीनि सायाव बिथा खालामानां, कंग्रेसआ रायजो दाखानांनयनि उनाव गिबि खेबनि थाखाय तेलेंगानायाव गावनि गोहोखौ गाइसन्नायाव जाफुंसार जादों, नाथाय दा फेगौ लकसभा बिसायख'थियाव दोलोआ गावनि गोहोखौ लाखिनो हागोन ना हाया, बेयो बयनिखुडबो देरसिन सोलु जानानै फेगासिनो दं। तेलेंगानायाव पार्टीनि जाफुंसार दिन्थिफुंनयनि उनाव, जाय राजस्थान, मध्य प्रदेश आरो छत्तीसगड्हाव फेजेनजादों, रेड्डीआ बेखौ रोखा खालामनो गोनांथि दडदि, कंग्रेसआ जाहाथे लकसभा बिसायख'थियाव 17 बियाबफोरनिफ्राय बांसिन मासि मोननो हायो। के. चन्द्रशेखर रावजों दैदेनजानाय भारत राष्ट्र समिति (बीआरएस) आरो बि.जे.पि.नि थाखायबो लकसभा बिसायख'थियाबो समानै गोनांथार। जेराव बिआरएसआ 2023 मायथाइनि



बिधानसभा बिसायख'थिनि सायाव आरांगा सोलायनो नाजागोन, बि.जे.पि.आ खोलायाव साबसिन दिन्थिफुंनो गावनि सानथांखिनि बाहागो महै रायजोआव बांसिन हाबनो थांखि लागोन। 2019 मायथाइनि बिसायख'थियाव बि.आर.एस.आ मोन 9 मासि, बि.जे.पि.आ मोननै आरो कंग्रेसआ 3 मासि देरहादोंमोन। 2023 मायथाइनि डिसेम्बरआव गोहोआव फेनायनि एसे उनावनो कंग्रेस सरकारा रायजोजों सामलायजानाय आर.टी.सी. बासफोराव आयजोफोरनि

थाखाय बेसेन नाडैदावबायनाय आरो गोरिबफोरनि थाखाय 10 लाख रॉनि सावस्त्रि बिथांखिखौ मावफुंनो फोसावदोंमोन, जाय कंग्रेसनि मोनद' बिसायख'थि 'गेरेंटी'नि बाहागोमोन। बबेखानि, माखासे बानस'नायफोरखौ आबुं खालामनो थाखाय गोबां राडारि खरसानि गोनांथि जायो, जाय गोदान बोसोरनि उनाव आबुं जाबाय थागोन। बिधानसभा बिसायख'थिनि सिगां माखासे उफ्रा बिसायख'थि आरो ग्रेटार हायड्राबाद नोगोर निगमनि बिसायख'थियाव देरहानायनि

उनाव बि.जे.पि.आ मोनसे समाव बीआरएसनि थाखाय मोनसे गाहाय बादायगिरि महै नुजादोंमोन, मानोना बि.जे.पि.नि भट बाहागोआ नै गुन जानानै 14 जौखोन्दोसो जाहेंदोंमोन। मिरु नखर मन्थ्रि अमित शाहया 28 दिसेम्बराव तेलेंगाना दावबायदोंमोन। बिथाड 2024 मायथाइनि लकसभा बिसायख'थियाव पार्टीनि थाखाय रायजोआव खमैबो 10 मासि देरहानो आरो 35 जौखोन्दो भट बाहागो मोननो थांखि लादों।

## सबरीमाला थानसालिखौ सिबियारिफोरनि थाखाय खुलिफिनबाय, मकरविलाक्कु फोर्बोआ 15 जानुवारीनिफ्राय जागायगोन

**सबरीमाला, 31 डिसेम्बर:** केरलानि सबरीमालायाव थानाय भगवान अयप्पा थानसालिखौ सनिबारनि मोनाबिलियाव मकरविलाक्कु गोथार थावनिखौ दावबायारिफोरनि थाखाय बेखेवनाय जाबाय। मावख'गिरिफोरा बेनि सोमोन्दे फोरमायथि होदों। थानसालिनि गाहाय पुजारि पी.एन. महेश नंबुदिरिआ तान्त्रि (गाहाय पुजारि) कन्डारारु महेश महनारारुनि नुजाथिनायाव थानसालिनि गोथार थावनिखौ बेखेवनाय जादों। 41 साननि मन्डला फुजानि उनाव 27 दिसेम्बराव थानसालिनि दरखंफोरखौ बन्द' खालामनाय जादोंमोन। थानसालिखौ सामलायग्रा गोजौसिन आफाद त्रावणकोर देवस्वम बर्डआ (टीडीबी) बुंदोंमोनदि, मकरविलाक्कु फोर्बोआ 15 जानुवारीनिफ्राय जागायगोन। बिनि सिगां 13 आरो 14 जानुवारीयाव 'प्रसाद शुद्ध



किया' आरो 'बिम्बा शुद्ध किया' जों लोगोसे गुबुन गुबुन नेम-खांथिफोर खुनाय जागोन। मकरविलाक्कुनि सानाव, सिबियारिफोरा सन्निधानम (थानसालिनि सोरगिदि) आव 'तिरुवभरणम' (गोथार गहेनाफोर) खौ बरायनो खाबु मोनगोन आरो भगवान अय्यप्पानि मुसुखाखौ साजायनाय 'दीप आराधना'खौ नुनो मोनगोन। मकरविलाक्कु दर्शननि उनाव, थानसालिया 20

जानुवारिसिम गोथार थावनि दावबायग्राफोरनि थाखाय खुला थागोन। श्री राम सेनानि आफादगिरि प्रमोद मुतालिकआ बुंदोंमोनदि, मुसलमान आरो खृष्टानफोरा सबरीमाला थानसालिनि सिबियारिफोरखौ सोबख'गासिनो दं। खोला भारतआव इसोर अयप्पानि थानसालिया तिरुपति वेंकटेश्वर बायदि मुंदांखा। खमैबो बा कौटि सिबियारिफोरा मोनद' राइजोनिफ्राय सबरीमाला

थानसालियाव फेयो। मुतालिकआ बुंदोंदि, राइज्योआव नास्तिकफोरनि सरकार दं। कर्नाटक सरकारा केरला सरकार जों रायज्जानांगौ आरो धोरोम सिबियारिफोरनि थाखाय सुबिदाफोरखौ थि खालामनांगौ। रोजा रोजा कौटि रॉनि खाजोनाखौ धोरोम सिबियारिफोरनि जौगानाय आरो सुबिदानि थाखाय बाहायनांगौ।

## म्यानमारनिफ्राय खारबोनाय सा 151 रौनिया हानजानि जवानफोरखौ रैखाथियै दोननाय जादों

**आइजल, 31 डिसेम्बर:** मोनसे हाथियार गोनां फोलेरारि हान्जाया म्यानमारनि रौनिया बादाफोरखौ दखल खालामदों, जायनि जाहोनाव खमैबो 151 रौनियाफोरा गावसोरनि हादोरनिफ्राय मिज'रामनि लांतलाई जिल्लायाव खारबोनो गोनां जादों। आसाम राइफल्सनि सासे मावख'गिरिया सनिबारखालि बे फोरमायथिखौ होदों। बिथाड फोरमायदोंदि, थानाय शुक्रबारखालि सिमानि साखाथियाव थानाय रैखाथि हान्जानि बादाखौ मोनसे



हाथियार लाग्रा हारिआ दखल खालामदों। जायनि जाहोनाव रैखाथि सांथ्रिफोरा गाव गावनि हाथियारफोरखौ लानानै खारनो गोनां जादों आरो मिजरामनि लांतलाई जिल्लानि

तुइसेंटलांआव थानाय आसाम राइफल्सनि बादायाव हाबफैयो। मावखुलि सुलुडव फोरमायनाय बायदिब्ला, थानाय माखासे साननिफ्रायनो भारतारि सिमा खाथिनि ओनसोलफोराव

म्यानमार रौनिया हानजा आरो अराकान रौनिया हानजानि दावहारफोरनि गेजेराव गोखों गावलायलायनाय जादोंमोन। मिज'रामआव हाबफैनाय म्यानमारनि गासै सांथ्रिफोरखौ आसाम राइफल्स हान्जाया रैखाथियै लाखिदों। भारतआव हाबफैनाय गासैबो म्यानमारनि रौनियाफोरखौ थाबैनो गावसोरनि हादोराव दैथायहरफिननाय जागोन। बे बिथिडाव बायजो हायुंआरि बिफान आरो म्यानमारनि रौनिया सोरखारनि गेजेराव सावरायनाया सोलिगासिनो दं।

## टाटानिफ्राय लानाने मारुति कम्पानीनि गारिफोरनि बेसेना गोदान बोसोरनिफ्राय बासिगोन

**गोदान दिल्ली, 31 डिसेम्बर:** नोंथाड गोदान बोसोर 2024 आव गोदान गारि बायनो थांखि लादोंब्ला गावनि बाजेटखौ बांहोनांगोन। मख'नो गानांदि, गोदान बोसोराव गोबां गारि कम्पानीफोरा गाव गावनि गारिफोरनि बेसेनखौ बांहोनांगोन। बेवहाय माखासे गिदर गारि बानायग्रा कम्पानीफोरा दंफाया। बे फारिल्लाइयाव मारुति सुजुकि, महिन्द्रा एन्ड महिन्द्रा, अडि इन्डिया, हाइउन्डाइ कार्स इन्डिया आरो इमजि मटर्सआ दंफाया। बे कम्पानीफोरा बेसेनखौ बांहोना थियारि जादों। टाटा मटर्सआ भारतीय बाजारवा बयनिखुड बांसिन गारिफोर फान्नो हाग्रा कम्पानीफोरनि गेजेराव मोनसे।



टाटा कम्पानीआ 2024 नि जानुवारि दानाव दावबायग्रा गारिफोरनि बेसेनखौ बांहोनांगोन। आथिखालाव बेखौ फोसावनाय जायाखे। नाथाय कम्पानीनि सासे बुंथिगिरिया नभेम्बर दानाव 2024 नि जानुवारिनिफ्राय गावसोरनि दावबायग्रा आरो इलेक्ट्रिक गारिफोरनि बेसेनखौ बांहोना सावरायदों होना

बुंदोंमोन। भारतीय बाजारवा मारुतिआ बयनिखुड बांसिन गारिफोर फान्नो हानाय कम्पानीफोरनि गेजेराव मोनसे। कम्पानीआ बेसेनखौ जोबथा खेब एप्रिल दानाव 0.8 जौखोन्दो बांहोदोंमोन। फारसेथि थानाय रॉखांथि बोसोराव कम्पानीनि गारिफोरनि बेसेनाव गासै 2.4 जौखोन्दो

बांहोदोंमोन। कम्पानीनि बायदिब्ला, थानाय 3-4 दानाव स्टिलनि बेसेना बांदों, जायनि जाहोनाव गारिनि बेसेना बांगोन। महिन्द्रा कम्पानीआ बयनिखुड बांसिन एसइडिभनो सेल खालामो। मार्केटआव तार गारिया गोबां डिमान्ड दं। नोंथाडबो गावनि थाखाय महिन्द्रानि गारि बायनो थांखि लादोंब्ला, कम्पानीआ गोदान बोसोरनिफ्राय बेसेनाव बांहोना नाजानायखौ मोनथिनो हागोन। जार्माननि गारि बानायग्रा कम्पानी अडिआ मोनसे लागजारि गारि बानायग्रा कम्पानीफोरनि गेजेराव मोनसे। कम्पानीआ जानुवारिनिफ्राय गावसोरनि गोदान गारिनि बेसेनाव 2 जौखोन्दो बांहोनांगोन।

## ए.एफ.सि. फुटबल एसियान कापनि थाखाय भारतनि हानजाखौ फोसावबाय

गोदान दिल्ली, 31 डिसेम्बर: भारतारि जोलुर हानजाया जानुवारियाव जानो गोनां ए.एफ.सि. एसियान कापनि थाखाय सा 26 गेलेगिरिफोरनि मोनसे हानजाखौ फोसावबाय। सुनिल चेत्रिआ हानजानि केप्टेन महैरै दैदेनगोन। स्टार गलकिपार गुरप्रीत सिंह सन्धु आरो डिफेन्डर संदेश झिंगनआबो हानजानि बाहागो जागोन। सुनिल चेत्रि आरो गुरप्रीत सिंह सन्धुआ 2011 माइथायनि एएफसि एसियान कापआव भारतारि हानजानि बाहागोमोन। चेत्रिआ बाहरिन आरो खोला करियानि बेरेखायै गरसे-गरसे गल सोदोंमोन। भारतआ एसियान कापआव गुप-बि आव दं। भारतनि गिबि मेचआ फैगौ 13 जानुवारियाव अल रेयानि अहमद बिन अली स्टेडियामाव अस्ट्रेलियानि हेंथायै जागोन। बादायलायनाया 12 जानुवारिनिफ्राय 10 फेब्रुवारिसिम कातारआव जागोन। भारतनि जोलुर हानजाया बाथि खेबनि थाखाय एसियान कापआव बाहागो लागोन। बेनि सिगाडव भारतनि हानजाया 1964, 1984, 2011 आरो 2019 माइथायाव गेलेखांबाय। 1964 माइथायाव हानजाया साबसिन दिन्थिफुंनोमोन आरो फाइनल गेलेदोंमोन। एखे समावनो आद्रा थानाय मोनथाम खुंथायफोराव भारतआ गुप थाखोनफ्रायनो बोखारजादोंमोन। बे खेबाव



एसियान कापआव भारतनि हानजाया अस्ट्रेलिया, उन्बेकिस्तान आरो सिरियानि हेंथायै गेलेगोन। भारतनि गिबि मेचआ 13 जानुवारियाव अस्ट्रेलियानि बेरेखायै, नैथि मेचआ 18 जानुवारियाव उन्बेकिस्तानि हेंथायै आरो थामथि मेचआ 23 जानुवारियाव सीरियानि हेंथायै जागोन। भारतारि जोलुर हानजानि कच इगर स्टिमकेआ बुंदोंदि, बे गासैबो गेलेगिरिफोरा जोलुरनि गुननि बिथिडव रोखोमसे। जों मोनसे हानजा, मोनसे नखर। नाथाय रोंग थिया जेखि जाया मानो, जेबो आखु गैयाब्ला, जेबो मोनफुंनो हाया, जाय थासारिफोराव जों खामानि मावनो नागिरगासिनो दं बेफोर गाहायै रेखाथियारि कम्पेक्टनेस, गाग्लोबग्रा सोलायनाय आरो सेट थुखाफोर (पेनाल्टी, खनाफोर)। गेलेगिरिफोरा बक्सनि सिडव बांसिन गेबें जानांगोन। जों माखासे समनिफ्रायनो पेनाल्टी बक्सनि सिडव गोबां गल सोनो हायाखै। स्टिमाकआ बुंबावदोंदि, जोंनि साथाम गेलेगिरिफोरा

आरोंदायारि महैरै गुप थाखोआव गोरा। गासैबो मोनथाम गेलेनाया जोंनि थाखाय गोनांथार। फोथारनि बायजोआव थानाय जोंनि अनसायगिरिफोरा जोंखौ गोजोनहोगोन। ब्लु टाइगर्सआ कातारआव बादायलायनो थाखाय जेबो गोदान नड, बिसोरो गावसोरनि 2022 फिफा बुहुमनां काप क्वालिफायरनि मोनबै मेचफोर गेलेगोन, जेराव बानजायगिरिफोरनि हेंथायै मोनै मेचबो दं। आं दहायाव जोंनि भारतारि अनसायगिरिफोरखौ नायनो थाखाय नेगासिनो। क्वालिफायरनि समाव भारतारि हानजाखौ हेफाजाब होनो थाखाय बिसोरो गोबां अन्जिमायाव फैदों आरो बेनो मोनसे जाहोनमोन दि जों बेवहाय कातारनि हेंथायै मोनै मोजां दिन्थिफुंनो। जों मोजाडेनो मिथिगौदि, जोंनि हौवासाफोरा गोबां मदद मोनगोन। मिजिथियो, जों बिसोरनो मोजां फिथायजों रंजानो खानु होनो हागोन होत्रानै भारतारि जोलुर हानजानि कच इगर स्टिमाकआ बुडे।

# 2023 बोसोरआ अडिआइ क्रिकेटआव भारतनि थाखाय साबसिनै बारलांदों

गोदान दिल्ली, 31 डिसेम्बर: बोसोर 2023 माइथायाव भारतआ गावनि अडिआइ जारिमिनाव बयनिखुड साबसिन दिन्थिफुं'नो हादों। टिम इन्डियाया औरैबादि गोहोम खोखलैदोंदि, बिसोरनि दिन्थिफुं'नाया अस्ट्रेलिया हानजानो 2000 माइथायखौ गोसोखांहोदों। भारतआ बे बोसोराव गेलेनाय मोन 35 अडिआइनि गेजेराव 27 खेब देरहादोंमोन, जाय 2003 माइथायाव अस्ट्रेलिया (30 देरहानाय) नि उनाव एखे अनजिमानि मेचफोर गेलेनायै बयनिखुड बांसिन देरहानायखौ मोत्रो हादों। बेनि सिगां अडिआइयाव टिम इन्डियानि बयनिखुड साबसिन दिन्थिफुं'नाया 1998 आव मोन, जेराव टिम इन्डियाआ मोन 24 अडिआइ देरहादोंमोन। बोसोर 2023 माइथायाव भारतआ मोनसे केलेन्डार बोसोराव देरहानायनि सानजेर फारागथि 200+ रानजों बांसिन देरहानाय, बयनिखुड बांसिन स्कर, बांसिन जौसे, बयनिखुड बांसिन सिक्स, बयनिखुड बांसिन इकेट बायदि रेकर्ड बानायदोंमोन, जाय अडिआइ मेचफोरनि खमायनायनि गेजेराव सिफायनो जोबोद गोब्राव जागोन। भारतआ 2023 माइथायाव गिबियाव बेटिं खालामनानै मोन 14 मेचफोर देरहादोंमोन। बेयाव,

बिथामोननि देरहानायनि सानजेर फारागथिया 143 रानमोन, जाय अडिआइ जारिमिनाव बयनिखुड बांसिन। आफ्रिकानि देरहानायनि सानजेर फारागथिया 137 रानमोन। 2003 माइथायाव सिगां बेटिं खालामनानैल भारतआ मोन 10 मेचफोरखौ 122 राननि फारागथिजों देरहादोंमोन। 2007 माइथायाव अस्ट्रेलिया हानजाया 105 राननि फारागथिजों मोन 12 मेचफोर देरहादोंमोन। 2023 मायथाइयाव भारतनि स्करआ 350+9 खेब बारदोंमोन। बेयो मोनसे हानजानि मोनसे केलेन्डार बोसोराव बयनिखुड बांसिन 350+ स्कर। बिथाड बोसोर 2019 माइथायाव 7 खेब इलेन्डनि 350+ राननि रेकर्डखौ सिफायदोंमोन। टिम इन्डियाआ



बे बोसोराव 19 जौसे रान बानायदों, जाय 2017 माइथायनि रेकर्डजों समान जादों। कहलिया निउजिलेन्डनि बेरेखायै वल्ड कापआव 50 अडिआइआव जौसे बानायनो हानाय गिबिसिन बेटिंमोन। टिम इन्डियाआ बे बोसोराव अडिआइ जारिमिनाव 250 सिक्स बानायनो हानाय गिबिसिन हानजा जानो हादों। आफ्रिकाया 225 सिक्सजों

रेकर्ड टेलीआव नैथि जायगा आवगिनो हादों। मोनैबो हानजाया बोसोर 2019 माइथायाव जयै वेस्टइंडीजनि 209 सिक्सनि रेकर्डखौ सिफायदों। भारतनि केपेन रहित शर्माया बे 250 नि गेजेराव 67 सिक्स बुदोंमोन। बेयो मोनसे केलेन्डार बोसोराव सासे बेटसमेननि बयनिखुड बांसिन। रहितआ एबी डिविलियर्स (बोसोर 2015 आव 58

सिक्स) नि रेकर्डखौ सिफायदों। भारतआ इ 1998 माइथायाव बे बोसोराव 289 उइकेट लाना 286 उइकेट लानायनि गावनि रेकर्डखौ सिफायदों। बे बोसोराव बिथाड मोनफ्रोम 27.4 थि बलआव मोनसे उइकेट लादों, जाय मोनसे केलेन्डार बोसोराव जायखिजाया हानजानि थाखाय बयनिखुड साबसिन स्ट्राइक रेट। भारतनि हानजाया बे बोसोराव दाइन खेब मोनसे इन्सिआव मोनबा उइकेट लादोंमोन। बेयो पाकिस्तान (1990), अस्ट्रेलिया (2004) आरो श्रीलंका (2008) नि 6-6 मोनबा उइकेट लानायनि गोजाम रेकर्डफोरखौ सिफायदोंमोन।

## इउर 'स्टारा इउकेआव दै बाना जानायनि उनाव लन्डननि गासैबो ट्रेनफोरखौ केन्सेल खालामदों



लन्डन, 31 डिसेम्बर: इउ.के.आव मोनसे सुरंगनि बाना जानायनि उनाव इउर 'स्टारा गावनि गासैबो ट्रेनफोरखौ केन्सेल

खालामबाय। इउर 'स्टारा बुदोंमोनदि, ब्रिटेनाव रेलवे सुरंगफोरनि बाना जानायनि जाहोनाव लन्डनखौ इउर 'पनि हादरफोरजों फोनांजाबग्रा

गासैबो ट्रेनफोरखौ शनिबार खालि केन्सेल खालामनाय जादोंमोन। बेयो रोजा रोजा दावबायारिफोरनि गोदान बोसोरनि दावबायनायखौ हेंथा होदों। इउर 'स्टारा बेल्जियाम, फ्रान्स, जामांनी, नेडारलेन्ड आरो इउ.के. खौ फोनांजाबग्रा गेजेर हायुंआरि गोखैथि गोनां रेलवे सिबिथाय। इउर 'स्टारा गिबियाव गं 14 ट्रेनफोरखौ केन्सेल खालामदोंमोन, नाथाय

उनाव लन्डनाव गासै गं 41 ट्रेनफोरखौ केन्सेल खालामनो थिरांथा लादोंमोन। थेम्स दैमानि सिडव रेलवे सुरंगफोरनि बाना जानायनि जाहोनखौ हरखाबै रोखा खालामनाय जायाखै मोन। इउ.के.नि माखासे बाहागोफोराव बावैसो सानफोराव गोबां अखा हादों। बारहुंखानि जाथावनानि थाखाय मोनसे थेल' एलाट फोसावनाय जादों।



आसाम सरकार

## गोदान बोसोरनि गाहाम हामब्लायथि

'हे नतुन! नमस्कार

जुगे जुगे आह तइ

देशे देशे हांह तइ

भँहारि-बिदारि-फालि पुरनि संशकार

हे नतुन! नमक्सार।'

ज्यतिप्रसाद आगरवाला

आसामआविनिब्रिम इन्वाजी गोदान बोसोरनि गोबोनिफ्राय गाहाम हामब्लायथि जाबिबाय।

गोदान बोसोरा बयनिबो थावनाय गोजोन, रवैअथि, नुनवु आओ मिजिनि रवौवां लाबोथों।

बयनिबो जिउआ मोजां जाथों।

हिनन्त विश्व शर्मा  
गिबि मन्थि आसाम

1 जानुवारी 2024

फोरमायथि आरो सुबुं फोनांजाब बिथोनगिरि मावख', आसामजों फोसावजानाय Connect with us @diprassam dipr.assam.gov.in

आसाम बार्ता साबरकाइव खालामनो 8287912158 आव Assam लिरनानै हवाटसएप खालाम

Janasanyog/D/15643/23/1-Jan-24